



Dengan nama Allāh, Yang Maha Pengasih, Yang Maha Penyayang. Segala puji-pujian bagi Allāh, Tuhan Pengatur sekalian alam. Semoga selawat dan salam sentiasa dilimpahkan ke atas penghulu kita Muḥammad, dan juga ke atas ahli-ahli keluarga baginda dan para sahabat baginda sekalian, pada setiap kelipan mata dan pada setiap hembusan nafas, dengan bilangan setiap sesuatu yang diliputi ilmu Allāh.

Sudah menjadi lumrah alam bahawa seseorang manusia itu tiada akan sunyi daripada salah dan silap, bak kata sebuah pepatah Melayu lama, “Manalah gading yang tak retak, manalah bumi yang tak ditimpa hujan.”

Maka begitulah juga dengan keadaan terjemahan-terjemahan kami ini. Jika terdapat di dalamnya sebarang kesilapan ataupun kesalahan, kami berharap ia dapat diperbetulkan oleh para pembaca yang budiman sekalian.

Dan semoga Allāh, Tuhan Yang Maha Penyantun, Yang Maha Pengampun, memaafkan si penterjemah yang banyak berdosa dan lemah ini, dan menerima usahanya yang tiada sempurna ini sebagai satu ibadah yang diredaiNya.

Tiada daya dan tiada usaha melainkan berserta Allāh.

Yang jaharu lagi jahil,
Ibn Badawī Al-Kartawī.

Al-Hikam Al-'Atā'iyah

(1)

مِنْ عِلَامَاتِ الْإِعْتِمَادِ عَلَى الْعَمَلِ نُقْصَانُ الرَّجَاءِ عِنْدَ وُجُودِ الزَّلَلِ .

[Sesetengah] daripada tanda-tanda pergantungan (atau persandaran) kepada amal ialah berkurangnya harapan [kepada Allāh] ketika wujudnya ketergelinciran (yakni tergelincir melakukan dosa atau kesalahan).

(2)

أَرَادَتْكَ التَّجْرِيدَ مَعَ إِقَامَةِ اللَّهِ إِيَّاكَ فِي الْأَسْبَابِ مِنَ الشَّهْوَةِ الْخَفِيَّةِ ، وَأَرَادَتْكَ
الْأَسْبَابَ مَعَ إِقَامَةِ اللَّهِ إِيَّاكَ فِي التَّجْرِيدِ أَنْحِطَاطٌ عَنِ الْهَمَّةِ الْعُلْيَا .

Keinginanmu untuk melakukan *at-tajrīd* (penanggalan, yakni meninggalkan usaha-usaha mencari rezeki) sedangkan Allāh telah mendirikanmu di dalam *al-asbāb* (sebab-musabab, yakni melakukan usaha-usaha mencari rezeki) adalah termasuk ke dalam syahwat yang tersembunyi.

Dan keinginanmu [untuk berkecimpung di dalam] *al-asbāb* sedangkan Allāh telah mendirikanmu di dalam *at-tajrīd* pula adalah satu penurunan dari *himmah* (aspirasi) yang tinggi.

Al-Hikam Al-'Atā'iyah

(3)

سَوَابِقُ الْهَمِّ لَا تَخْرِقُ أَسْوَارَ الْأَقْدَارِ .

Kehadapanan (atau keterdahuluan) aspirasi-aspirasi tidak akan dapat mencarikkan tembok-tembok kota takdir.

(4)

أَرْخِ نَفْسَكَ مِنَ التَّدْبِيرِ ، فَمَا قَامَ بِهِ غَيْرُكَ عَنْكَ لَا تَقُمْ بِهِ لِنَفْسِكَ .

Rehatkanlah dirimu daripada mentadbir (yakni bersusah-payah dan merasa risau di dalam mengatur keperluan-keperluan hidup).

Apabila sudah ada yang lain daripadamu yang mendirikannya bagimu (yakni ia sebenarnya telah pun diaturkan oleh Allāh Ta'ālā), janganlah engkau mendirikannya pula untuk dirimu sendiri.

(5)

اجْتِهَادُكَ فِيمَا ضَمِنَ لَكَ وَتَقْصِيرُكَ فِيمَا طُلِبَ مِنْكَ دَلِيلٌ عَلَى انْطِمَاسِ الْبَصِيرَةِ مِنْكَ .

Kegigihan usahamu pada [perkara-perkara] yang telah pun dijaminakan untukmu (yakni di dalam urusan-urusan rezeki) di samping kelalaianmu pada [perkara-perkara] yang telah dituntut daripadamu (yakni di dalam mengerjakan ibadat) adalah satu dalil bagi terhapusnya *al-baṣīrah* (penglihatan mata hati) daripada dirimu.

(6)

لَا يَكُنْ تَأَخَّرُ أَمَدَ الْعَطَاءِ مَعَ الْإِلْحَاحِ فِي الدُّعَاءِ مُوجِبًا لِيَأْسِكَ ، فَهُوَ ضَمَنَ لَكَ الْإِجَابَةَ
فِيمَا يَخْتَارُهُ لَكَ لَا فِيمَا تَخْتَارُهُ لِنَفْسِكَ ، وَفِي الْوَقْتِ الَّذِي يُرِيدُ لَا فِي الْوَقْتِ الَّذِي
تُرِيدُ .

Janganlah kelambatan pemberian kurniaan-kurniaan [daripada Allāh Ta'ālā] sedangkan engkau telah bersungguh-sungguh di dalam berdoa, menyebabkan engkau berputus asa.

Kerana, Dia telah pun menjamin akan memperkenankannya, pada apa yang telah Dia pilihkan untukmu, bukan pada apa yang engkau pilihkan untuk dirimu sendiri. Dan pada waktu yang Dia kehendaki, bukan pada waktu yang engkau kehendaki.

(7)

لَا يُشَكِّكَ فِي الْوَعْدِ عَدَمُ وَقُوعِ الْمُوعُودِ وَإِنْ تَعَيَّنَ زَمَنُهُ لَوْلَا يَكُونُ ذَلِكَ قَدْحًا فِي
بَصِيرَتِكَ وَآخِمَادًا لِنُورِ سَرِيرَتِكَ .

Janganlah engkau menjadi syak (atau ragu) mengenai janji itu ketika tiada terjadi yang dijanjikan, sekalipun ia telah ditentukan waktunya, agar tiadalah terjadi dengan demikian itu pengurangan pada *baṣīrah*-mu (penglihatan mata hati) dan pemadaman bagi cahaya *sarīrah*-mu (rahsia batin).

(8)

إِذَا فَتَحَ لَكَ وَجْهَةً مِنَ التَّعْرِفِ فَلَا تُبَالِ مَعَهَا إِنَّ قَلَّ عَمَلُكَ ، فَإِنَّهُ مَا فَتَحَهَا لَكَ إِلَّا وَهُوَ يُرِيدُ
أَنْ يَتَعَرَّفَ إِلَيْكَ ، أَلَمْ تَعْلَمْ أَنَّ التَّعْرِفَ هُوَ مُورَدُهُ عَلَيْكَ وَالْأَعْمَالُ أَنْتَ مُهْدِيهَا إِلَيْهِ ، وَأَيْنَ
مَا تُهْدِيهِ إِلَيْهِ مِمَّا هُوَ مُورَدُهُ عَلَيْكَ ؟

Apabila Dia membukakan untukmu satu perspektif daripada pengenalan (yakni *al-ma'rifah*), janganlah engkau menghiraukan fakta yang amalmu masih sedikit, kerana tiadalah Dia membukakannya untukmu melainkan kerana Dia ingin memperkenalkan diriNya kepadamu.

Apakah tiada engkau mengetahui bahawa pengenalan itu adalah pemberianNya kepadamu, sedangkan segala amalmu itu adalah hadiahmu kepadaNya? Di manakah [nilai] hadiahmu kepadaNya jika dibandingkan dengan pemberianNya kepadamu?

(9)

تَنَوَّعَتْ أَجْنَاسُ الْأَعْمَالِ لَتَنُوعِ وَارِدَاتِ الْأَحْوَالِ .

Jenis-jenis amal itu menjadi pelbagai ragam kerana [wujudnya] kepelbagaian ragam *wāridāt al-ahwāl* (kurniaan-kurniaan yang turun lalu menyebabkan keadaan-keadaan rohani yang tertentu).

(10)

الْأَعْمَالُ صُورٌ قَائِمَةٌ وَأَرْوَاحُهَا وَجُودٌ سِرٌّ الْإِخْلَاصُ فِيهَا .

Segala amal itu adalah bentuk-bentuk yang berdiri tegak (yakni adalah seumpama kerangka-kerangka yang tidak bernyawa belaka), sedangkan roh-rohnya pula ialah kewujudan rahsia keikhlasan di dalamnya (yakni tanpa rahsia keikhlasan, segala amal itu adalah bagaikan *lifeless forms* sahaja).

(11)

ادْفِنْ وَجُودَكَ فِي أَرْضِ الْخُمُولِ ، فَمَا نَبَتَ مِمَّا لَمْ يُدْفَنْ لَا يَتِمُّ نَتَاجُهُ .

Tanamkanlah kewujudanmu di dalam bumi ketersembunyian (yakni yang tidak dikenali orang), kerana jika berbuah sesuatu yang tidak ditanam, hasilnya tiadalah sempurna.

(12)

مَا نَفَعَ الْقَلْبَ شَيْءٌ مِثْلُ عَزْلَةٍ يَدْخُلُ بِهَا مَيْدَانِ فِكْرَةٍ .

Tiada sesuatu pun yang dapat memanfaatkan kalbu seperti *'uzlah* (menjauhkan diri daripada manusia) dan masuk dengannya ke dalam medan refleksi (yakni bertafakur mengenai *al-ḥaqā'iq* dan bukan bertafakur mengenai zatNya).

(13)

كَيْفَ يُشْرِقُ قَلْبُ صَوْرِ الْأَكْوَانِ مُنْطَبِعَةً فِي مِرَاتِهِ ، أَمْ كَيْفَ يَرْحَلُ إِلَى اللَّهِ وَهُوَ
مُكَبَّلٌ بِشَهَوَاتِهِ ، أَمْ كَيْفَ يَطْمَعُ أَنْ يَدْخُلَ حَضْرَةَ اللَّهِ وَهُوَ لَمْ يَتَطَهَّرْ مِنْ جَنَابَةِ غَفْلَاتِهِ ، أَمْ
كَيْفَ يَرْجُو أَنْ يَفْهَمَ دَقَائِقَ الْأَسْرَارِ وَهُوَ لَمْ يَتَّبِعْ مِنْ هَفَوَاتِهِ ؟

Bagaimanakah akan dijadikan bersinar sebuah kalbu yang di dalam cerminnya tercetak rupa-rupa bentuk segala makhluk?

Atau bagaimanakah dapat ia belayar menuju kepada Allāh sedangkan ia masih tertambat dengan segala syahwatnya?

Atau bagaimanakah ia boleh melobakan dapat memasuki kehadiran Allāh sedangkan ia masih belum dibersihkan daripada *janābah* (hadas besar) segala kelalaiannya?

Atau bagaimanakah ia boleh mengharap untuk memahami keterperincian rahsia-rahsia sedangkan ia masih belum bertaubat daripada segala kekeliruannya?

(14)

الْكُونُ كُلُّهُ ظُلْمَةٌ وَإِنَّمَا أَنَارَهُ ظُهُورُ الْحَقِّ فِيهِ ، فَمَنْ رَأَى الْكُونَ وَلَمْ يَشْهَدْ فِيهِ
أَوْ عِنْدَهُ أَوْ قَبْلَهُ أَوْ بَعْدَهُ فَقَدْ أَغْوَزَهُ وُجُودُ الْأَنْوَارِ ، وَحُجِبَتْ عَنْهُ شُمُوسُ الْمَعَارِفِ
بِسُحُبِ الْآثَارِ .

Al-kaun (segala ciptaan Allāh yakni alam semesta) seluruhnya adalah kegelapan, dan sesungguhnya yang telah meneranginya hanyalah penzahiran al-Haqq (Yang Maha Benar) di dalamnya.

Maka sesiapa yang melihat *al-kaun* dan tidak pula dia dapat menyaksikanNya di dalamnya, atau bersamanya, atau sebelumnya, atau sesudahnya, maka dia sangat memerlukan kepada kewujudan cahaya-cahaya, dan [adalah keadaan dirinya] telah dihijabkan daripada matahari-matahari *al-ma'ārif* (pengenalan-pengenalan rohani) oleh awan-awan *al-āthār* (kesan-kesan yakni kewujudan yang selain daripada Allāh).

(15)

مِمَّا يَدُلُّكَ عَلَىٰ وُجُودِ قَهْرِهِ سُبْحَانَهُ أَنَّ حَبِيبَكَ عَنْهُ بِمَا لَيْسَ بِمَوْجُودٍ مَعَهُ .

[Sesetengah] daripada apa yang menjadi dalil bagimu di atas kewujudan keperkasaanNya, Maha Suci Dia, ialah Dia telah menghijabkanmu daripadaNya dengan sesuatu yang tidak maujud bersamaNya.

(16)

كَيْفَ يُتَصَوَّرُ أَنْ يَحْجُبَهُ شَيْءٌ وَهُوَ الَّذِي أَظْهَرَ كُلَّ شَيْءٍ ؟

Bagaimanakah boleh dibayangkan bahawa ada sesuatu yang menghijabkanNya sedangkan Dialah yang menzahirkan setiap sesuatu?

كَيْفَ يُتَصَوَّرُ أَنْ يَحْجُبَهُ شَيْءٌ وَهُوَ الَّذِي ظَهَرَ بِكُلِّ شَيْءٍ ؟

Bagaimanakah boleh dibayangkan bahawa ada sesuatu yang menghijabkanNya sedangkan Dialah yang terzahir dengan setiap sesuatu?

كَيْفَ يُتَصَوَّرُ أَنْ يَحْجُبَهُ شَيْءٌ وَهُوَ الَّذِي ظَهَرَ فِي كُلِّ شَيْءٍ ؟

Bagaimanakah boleh dibayangkan bahawa ada sesuatu yang menghijabkanNya sedangkan Dialah yang terzahir di dalam setiap sesuatu?

كَيْفَ يُتَصَوَّرُ أَنْ يَحْجُبَهُ شَيْءٌ وَهُوَ الَّذِي ظَهَرَ لِكُلِّ شَيْءٍ ؟

Bagaimanakah boleh dibayangkan bahawa ada sesuatu yang menghijabkanNya sedangkan Dialah yang terzahir bagi setiap sesuatu?

كَيْفَ يُتَصَوَّرُ أَنْ يَحْجُبَهُ شَيْءٌ وَهُوَ الظَّاهِرُ قَبْلَ وُجُودِ كُلِّ شَيْءٍ ؟

Bagaimanakah boleh dibayangkan bahawa ada sesuatu yang menghijabkanNya sedangkan Dialah Yang Maha Zahir sebelum wujud setiap sesuatu?

كَيْفَ يُتَصَوَّرُ أَنْ يَحْجُبَهُ شَيْءٌ وَهُوَ أَظْهَرُ مِنْ كُلِّ شَيْءٍ ؟

Bagaimanakah boleh dibayangkan bahawa ada sesuatu yang menghijabkanNya sedangkan Dialah yang terlebih zahir daripada setiap sesuatu?

Al-Hikam Al-'Atā'iyah

كَيْفَ يُتَصَوَّرُ أَنْ يَحْجُبَهُ شَيْءٌ وَهُوَ الْوَاحِدُ الَّذِي لَيْسَ مَعَهُ شَيْءٌ ؟

Bagaimanakah boleh dibayangkan bahawa ada sesuatu yang menghidupkannya sedangkan Dialah Yang Satu (yakni Yang Maha Esa) yang tiada bersertaNya sesuatu?

كَيْفَ يُتَصَوَّرُ أَنْ يَحْجُبَهُ شَيْءٌ وَهُوَ أَقْرَبُ إِلَيْكَ مِنْ كُلِّ شَيْءٍ ؟

Bagaimanakah boleh dibayangkan bahawa ada sesuatu yang menghidupkannya sedangkan Dialah yang lebih dekat kepadamu daripada setiap sesuatu?

كَيْفَ يُتَصَوَّرُ أَنْ يَحْجُبَهُ شَيْءٌ وَلَوْلَاهُ مَا كَانَ وَجُودُ كُلِّ شَيْءٍ ؟

Bagaimanakah boleh dibayangkan bahawa ada sesuatu yang menghidupkannya sedangkan jika bukanlah keranaNya, tiadalah akan wujud setiap sesuatu?

يَا عَجَبًا كَيْفَ يَظْهَرُ الْوُجُودُ فِي الْعَدَمِ أَمْ كَيْفَ يَثْبُتُ الْحَادِثُ مَعَ مَنْ لَهُ وَصْفُ الْقَدَمِ ؟

Alangkah menakjubkan bagaimana kewujudan boleh terzhahir di dalam ketidakwujudan (*'adam*), atau bagaimanakah boleh menjadi masih tetap *al-hādith* (benda yang baharu yakni makhluk) bersama Dia yang memiliki sifat *qidam* (yakni tiada bagiNya permulaan).

(17)

مَا تَرَكَ مِنَ الْجَهْلِ شَيْئاً مَنْ أَرَادَ أَنْ يُحْدِثَ فِي الْوَقْتِ غَيْرَ مَا أَظْهَرَهُ اللَّهُ فِيهِ .

Tiadalah meninggalkan sesuatu pun dari kejahilan sesiapa yang menghendaki terjadinya sesuatu urusan di luar waktu yang telah dizahirkan oleh Allāh padanya.

(18)

إِحَالَتُكَ الْأَعْمَالَ عَلَى وُجُودِ الْفَرَاغِ مِنْ رُعُونَاتِ النَّفْسِ .

Menanggihkan berbuat segala amal sehingga wujud masa yang lapang (atau yang lebih selesa), adalah [sesetengah] daripada kebodohan-kebodohan nafsu.

(19)

لَا تَطْلُبْ مِنْهُ أَنْ يُخْرِجَكَ مِنْ حَالَةٍ لِيَسْتَغْمَلَكَ فِيهَا سِوَاهَا ، فَلَوْ أَرَادَكَ لَأَسْتَغْمَلَكَ مِنْ
غَيْرِ إِخْرَاجٍ .

Janganlah meminta daripadaNya untuk mengeluarkanmu
daripada sesuatu keadaan agar Dia menggunakanmu pada [satu
keadaan] yang lain.

Jika Dia menghendakimu, Dia boleh menggunakanmu tanpa
mengeluarkanmu.

(20)

مَا أَرَادَتْ هِمَّةُ سَالِكٍ أَنْ تَقِفَ عِنْدَمَا كُشِفَ لَهَا إِلَّا وَنَادَتْهُ هَوَاتِفُ الْحَقِيقَةِ الَّذِي
تَطْلُبُ أَمَامَكَ ، وَلَا تَبَرَّجَتْ ظَوَاهِرُ الْمُكَوَّنَاتِ إِلَّا وَنَادَتْكَ حَقَائِقُهَا إِنَّمَا نَحْنُ فِتْنَةٌ فَلَا
تَكْفُرُ .

Tiadalah *himmah* (aspirasi) seorang *sālik* (pengembara kerohanian) berkeinginan untuk berhenti ketika terangkat tirai rohani baginya melainkan *hawātif al-ḥaqīqah* (suara-suara ghaib bagi kebenaran) akan menyeru kepadanya, “Yang engkau cari [masih lagi] berada di hadapanmu (yakni teruskanlah dan janganlah engkau berhenti di sini).”

Dan tiadalah zahir-zahir *al-mukawwanāt* (segala ciptaan yakni segala makhluk di alam semesta) menampakkan keindahannya melainkan hakikatnya akan menyeru kepadamu, “Sesungguhnya kami hanyalah satu fitnah, maka janganlah engkau [menjadi terpedaya oleh kami sehingga engkau] menjadi kafir.”

(21)

طَلْبُكَ مِنْهُ اتِّهَامٌ لَهُ ، وَطَلْبُكَ لَهُ غَيْبَةٌ مِنْكَ عَنْهُ ، وَطَلْبُكَ لغيرِهِ لِقَلَّةِ حَيَاتِكَ مِنْهُ ،
وَطَلْبُكَ مِنْ غَيْرِهِ لَوْجُودِ بُعْدِكَ عَنْهُ .

Permintaanmu daripadanya adalah satu tuduhan baginya.

Dan permintaanmu baginya (yakni engkau memintanya untuk dirimu) adalah satu keghaiban bagimu (yakni kerana engkau telah merasa ghaib) daripadanya.

Dan permintaanmu bagi [sesuatu] yang selainnya adalah kerana sedikitnya rasa malumu kepadanya.

Dan permintaanmu daripada yang selainnya adalah kerana wujudnya kejauhanmu daripadanya.

(22)

مَا مِنْ نَفْسٍ تُبَدِّيه إِلَّا وَلَهُ قَدَرٌ فِىكَ يُمِضِيهِ .

Tiada satu nafas pun yang engkau hembuskan melainkan baginya ada satu qadar (yakni ketentuan Allāh) yang sudah terlebih dahulu ditetapkan (yakni sejak azali lagi) akan berlaku ke atas dirimu.

(23)

لَا تَتَرَقَّبُ فُرُوعَ الْأَغْيَارِ فَإِنَّ ذَلِكَ يَقْطَعُكَ عَنْ وُجُودِ الْمُرَاقَبَةِ لَهُ فِيمَا مُقِيمُكَ فِيهِ .

Janganlah engkau ternanti-nantikan kelapangan/kekosongan daripada *al-aghyār* (yang selain daripadaNya yakni segala makhluk Allāh) kerana perkara itu akan memotongmu daripada kewujudan *al-murāqabah* (merasa awas/sedar) terhadapNya pada tempat di mana Dia telah mendirikanmu di dalamnya.

(24)

لَا تَسْتَغْرِبُ وَقُوعَ الْأَكْدَارِ مَا دُمْتَ فِي هَذِهِ الدَّارِ ، فَإِنَّهَا مَا أُبْرَزَتْ إِلَّا مَا هُوَ مُسْتَحَقُّ
وَصَفْئِهَا وَوَاجِبُ نَعْتِهَا .

Janganlah engkau merasa hairan kerana berlakunya segala kesukaran selama engkau masih tinggal di negeri ini (yakni selama engkau masih berada di dalam dunia ini). Kerana sesungguhnya, tiadalah ia menzahirkan melainkan apa yang memang layak bagi sifatnya dan yang wajib dari ciri-cirinya.

(25)

مَا تَوَقَّفَ مُطْلَبٌ أَنْتَ طَالِبُهُ بِرَبِّكَ ، وَلَا تَيْسَّرَ مُطْلَبٌ أَنْتَ طَالِبُهُ بِنَفْسِكَ .

Tiada akan dihentikan sebarang pencarian yang engkau cari dengan Tuhanmu, dan tiada akan dimudahkan sebarang pencarian yang engkau cari dengan dirimu.

(26)

مِنْ عِلَامَاتِ النُّجْحِ فِي النِّهَايَاتِ الرَّجُوعُ إِلَى اللَّهِ فِي الْبِدَايَاتِ .

[Sesetengah] daripada tanda-tanda akan lulus (atau berjaya) di tahap-tahap penamat ialah [*as-sālik* sentiasa] kembali kepada Allāh di tahap-tahap permulaan.

(27)

مَنْ أَشْرَقَتْ بَدَايَتُهُ أَشْرَقَتْ نِهَائَتُهُ .

Sesiapa yang tahap permulaannya adalah terang benderang,
tahap penamatnya juga adalah terang benderang.

(28)

مَا اسْتُودِعَ فِي غَيْبِ السَّرَائِرِ ظَهَرَ فِي شَهَادَةِ الظُّوَاهِرِ .

Apa yang tersembunyi di dalam keghaiban rahsia-rahsia batin,
akan menjadi terzahir pada penyaksian perkara-perkara yang zahir.

(29)

شَتَّانَ بَيْنَ مَنْ يَسْتَدِلُّ بِهِ أَوْ يَسْتَدِلُّ عَلَيْهِ ، الْمُسْتَدِلُّ بِهِ عَرَفَ الْحَقَّ لِأَهْلِهِ فَاتَّيَبَتِ الْأُمُورُ
مِنْ وَجُودِ أَصْلِهِ ، وَالْإِسْتِدْلَالُ عَلَيْهِ مِنْ عَدَمِ الْوُصُولِ إِلَيْهِ ، وَإِلَّا فَمَتَى غَابَ حَتَّى يُسْتَدَلَّ
عَلَيْهِ ؟ وَمَتَى بَعْدَ حَتَّى تَكُونَ الْآثَارُ هِيَ الَّتِي تُوصِلُ إِلَيْهِ ؟

[Alangkah amat besarnya] perbezaan di antara orang yang berdalil denganNya dengan orang yang berdalil ke atasNya.

Orang yang berdalil denganNya (yakni orang yang mengambil kewujudan Allāh sebagai dalil bagi kewujudan alam) telah mengenali kebenaran pada ahlinya. Maka dia pun menetapkan urusan itu daripada kewujudan asalnya.

Dan pengambilan dalil ke atasNya pula (yakni mengambil kewujudan alam sebagai dalil bagi kewujudan Allāh) adalah [berpunca] daripada ketiadaan sampai kepadaNya (yakni sampai kepada *ma'rifah* yang lebih sempurna mengenaiNya).

Dan jikalau tiadalah yang demikian, bilakah masanya Dia telah ghaib sehingga [diperlukan kepada kita] berdalil ke atasNya?

Dan [jikalau tiadalah yang demikian], bilakah masanya Dia itu jauh sehingga *al-āthār* (kesan-kesan, yakni seluruh makhluk di alam semesta) pula dijadikan [sebagai alat] untuk menyampaikan [kita] kepadaNya?

(30)

﴿لِيُنْفِقْ ذُو سَعَةٍ مِّنْ سَعَتِهِ﴾ الْوَاصِلُونَ إِلَيْهِ ، ﴿وَمَنْ قُدِرَ عَلَيْهِ رِزْقُهُ﴾ السَّائِرُونَ
إِلَيْهِ .

“Hendaklah si empunya keluasan membelanjakan daripada keluasannya (yakni daripada keluasan rezekinya)” [mafhum Sūrah aṭ-Ṭalāq ayat 7] adalah ciri mereka yang telah sampai kepadaNya.

“Dan dia yang telah dikadarkan ke atasnya rezekinya (yakni orang yang rezekinya adalah sempit)” [mafhum Sūrah aṭ-Ṭalāq ayat 7] adalah ciri mereka yang sedang berjalan (yakni masih belum sampai) kepadaNya.

(31)

اهْتَدَى الرَّاحِلُونَ إِلَيْهِ بِأَنْوَارِ التَّوَجُّهِ ، وَالْوَاصِلُونَ لَهُمْ أَنْوَارُ الْمُوَاجَهَةِ ، فَأَلَّوْكَونَ لِلْأَنْوَارِ
وَهَؤُلَاءِ الْأَنْوَارُ لَهُمْ ، لِأَنَّهُمْ لِلَّهِ لَا لِشَيْءٍ دُونَهُ ، ﴿قُلِ اللَّهُ ثُمَّ ذَرْهُمْ فِي خَوْضِهِمْ
يَلْعَبُونَ﴾ .

Mereka yang sedang mengembara kepadaNya memperoleh petunjuk dengan cahaya-cahaya pemalingan wajah kepadaNya, sedangkan mereka yang telah sampai pula memiliki cahaya-cahaya berhadapanan denganNya.

Maka golongan yang pertama adalah dimiliki oleh cahaya-cahaya itu, sedangkan mereka (yakni golongan yang kedua pula) adalah pemilik cahaya-cahaya itu, kerana mereka adalah milik Allāh sahaja dan bukan milik sesuatu pun selain daripadaNya.

“Katakanlah “Allāh”, kemudian tinggalkanlah mereka hanyut di dalam bermain-main.” (Mafhum dari Sūrah al-An‘ām ayat 91.)

(32)

تَشَوُّفُكَ إِلَى مَا بَطَنَ فِيكَ مِنَ الْعُيُوبِ خَيْرٌ مِنْ تَشَوُّفِكَ إِلَى مَا حُجِبَ عَنْكَ مِنَ الْغُيُوبِ .

Hasratmu untuk mengetahui keaiban-keaiban batin dirimu sendiri adalah lebih baik daripada hasratmu untuk mengetahui perkara-perkara ghaib yang dihijabkan daripadamu.

(33)

الْحَقُّ لَيْسَ بِمَحْجُوبٍ عَنْكَ وَإِنَّمَا الْمَحْجُوبُ أَنْتَ عَنِ النَّظَرِ إِلَيْهِ ، إِذْ لَوْ حَجَبَهُ شَيْءٌ
لَسَرَّهُ مَا حَجَبَهُ ، وَلَوْ كَانَ لَهُ سَاتِرٌ لَكَانَ لَوْجُودُهُ حَاصِرٌ ، وَكُلُّ حَاصِرٍ لَشَيْءٍ فَهُوَ لَهُ
قَاهِرٌ ، وَهُوَ الْقَاهِرُ فَوْقَ عِبَادِهِ .

Tiadalah terhibab Yang Maha Benar (yakni Allāh) daripada dirimu. Yang terhibab adalah dirimu daripada dapat memandang kepadaNya.

Andaikata ada sesuatu menghibabNya, apa yang menghibabNya itu akan menutupiNya. Dan andaikata ada satu penutup bagiNya, kewujudanNya akan dihadkan. Dan apa yang menghadkan bagi sesuatu perkara, maka ia adalah berkuasa di atas perkara itu. Dan Dia pula adalah Yang Maha Berkuasa di atas segala hambaNya.

(34)

أُخْرِجْ مِنْ أَوْصَافِ بَشَرِيَّتِكَ عَنْ كُلِّ وَصْفٍ مُنَاقِضٍ لِعِبُودِيَّتِكَ لِتَكُونَ لِنِدَاءِ الْحَقِّ مُجِيبًا
وَمِنْ حَضْرَتِهِ قَرِيبًا .

Keluarkanlah daripada sifat-sifat kemanusiaanmu setiap sifat yang berlawanan dengan kehambaanmu agar engkau dapat menyahut panggilan Yang Maha Benar (yakni Allāh) dan menjadi dekat kepada kehadiranNya.

(35)

أَصْلُ كُلِّ مَعْصِيَةٍ وَغَفْلَةٍ وَشَهْوَةِ الرِّضَا عَنِ النَّفْسِ ، وَأَصْلُ كُلِّ طَاعَةٍ وَيَقْظَةٍ وَعَفَّةٍ عَدَمُ
الرِّضَا مِنْكَ عَنْهَا ، وَلَئِنْ تَصَحَّبَ جَاهِلًا لَا يَرْضَى عَنْ نَفْسِهِ خَيْرٌ لَكَ مِنْ أَنْ تَصَحَّبَ
عَالِمًا يَرْضَى عَنْ نَفْسِهِ ، فَإِنَّ عِلْمَ لَعَالٍ يَرْضَى عَنْ نَفْسِهِ وَأَيُّ جَهْلٍ لَجَاهِلٍ لَا يَرْضَى عَنْ
نَفْسِهِ ؟

Punca bagi setiap kemaksiatan, kelalaian dan syahwat ialah meredai nafsu.

Dan punca bagi setiap ketaatan, kesedaran dan penahanan diri (yakni dapat menahan diri daripada berakhlak dengan setiap akhlak yang buruk) ialah tidak meredai nafsu.

Dan bahawa engkau bersahabat dengan seorang jahil yang tidak meredai nafsunya itu adalah lebih baik bagimu daripada engkau bersahabat dengan seorang 'ālim yang meredai nafsunya.

Kerana, ilmu manakah [yang dapat dinisbahkan] kepada seorang 'ālim yang meredai nafsunya, dan kejahilan manakah [yang dapat dinisbahkan] kepada seorang jahil yang tidak meredai nafsunya?

(36)

شُعَاعُ الْبَصِيرَةِ يُشْهِدُكَ قُرْبَهُ مِنْكَ ، وَعَيْنُ الْبَصِيرَةِ تُشْهِدُكَ عَدَمَكَ لَوْجُودِهِ ، وَحَقُّ الْبَصِيرَةِ
يُشْهِدُكَ وُجُودَهُ لَا عَدَمَكَ وَلَا وُجُودَكَ .

Sinaran *al-baṣīrah* (yakni cahaya dari penglihatan mata hati) mempersaksikan kepadamu akan kedekatanNya denganmu.

Dan esensi *al-baṣīrah* (yakni penglihatan mata hati itu sendiri) mempersaksikan kepadamu akan ketidakwujudanmu kerana kewujudanNya.

Dan *ḥaqq al-baṣīrah* (yakni kebenaran dari penglihatan mata hati itu pula) mempersaksikan kepadamu akan kewujudanNya [semata-mata], bukan ketidakwujudanmu dan bukan juga kewujudanmu.

(37)

كَانَ اللَّهُ وَلَا شَيْءٌ مَعَهُ ، وَهُوَ الْآنَ عَلَى مَا عَلَيْهِ كَانَ .

Allāh telah sedia ada dan tiada sesuatu bersamaNya. Dia kini adalah sebagaimana yang Dia telah sedia ada (yakni tiada sesuatu pun bersamaNya).

(38)

لَا تَتَّعِدْ نِيَّةَ هَمِّكَ إِلَى غَيْرِهِ ، فَالْكَرِيمُ لَا تَتَخَطَّاهُ الْأَمَالُ .

Janganlah engkau menjadikan niat aspirasimu kepada yang lain daripadanya, kerana Yang Maha Pemurah itu tiada dapat dilangkahi Dia oleh segala cita-cita.

(39)

لَا تَرْفَعَنَّ إِلَى غَيْرِهِ حَاجَةً هُوَ مُورِدُهَا عَلَيْكَ ، فَكَيْفَ يَرْفَعُ غَيْرُهُ مَا كَانَ هُوَ لَهُ وَاضِعًا ؟
مَنْ لَا يَسْتَطِيعُ أَنْ يَرْفَعَ حَاجَةً عَنْ نَفْسِهِ ، فَكَيْفَ يَسْتَطِيعُ أَنْ يَكُونَ لَهَا عَنْ غَيْرِهِ رَافِعًا ؟

Janganlah engkau meminta kepada yang lain daripadaNya untuk mengangkat sesuatu hajat [daripada dirimu yang] Dia sendiri telah mendatangkannya (yakni hajat itu) ke atasmu.

Bagaimanakah sesiapa pun selain daripadaNya dapat mengangkat apa yang Dia sendiri telah meletakkannya?

Sesiapa yang tidak berupaya untuk mengangkat sesuatu hajat daripada dirinya sendiri, maka bagaimanakah dia berupaya untuk mengangkatannya bagi orang lain?

(40)

إِنْ لَمْ تُحَسِّنْ ظَنَّنَكَ بِهِ لِأَجْلِ حُسْنِ وَصْفِهِ ، فَحَسِّنْ ظَنَّنَكَ بِهِ لَوُجُودِ مُعَامَلَتِهِ مَعَكَ .
فَهَلْ عَوَّدَكَ إِلَّا حَسَنًا ؟ وَهَلْ أَسَدَى إِلَيْكَ إِلَّا مَنًّا ؟

Jika tiada engkau bersangka baik terhadapNya kerana kebaikan sifatNya, maka bersangka baiklah engkau terhadapNya kerana [kebaikan] urusanNya denganmu.

Adakah pernah Dia membiasakan [sesuatu] kepadamu melainkan [sesuatu itu pada hakikatnya adalah] kebaikan belaka?

Dan adakah pernah Dia menganugerahkan [sesuatu] kepadamu melainkan [sesuatu itu pada hakikatnya adalah daripada] pengurniaan-pengurniaan [yang baik] belaka?

(41)

الْعَجَبُ كُلُّ الْعَجَبِ مِمَّنْ يَهْرَبُ مِمَّنْ لَا انْفِكَاءَ لَهُ عَنْهُ ، وَيَطْلُبُ مَا لَا بَقَاءَ لَهُ مَعَهُ ،
﴿ فَإِنَّهَا لَا تَعْمَى الْأَبْصَارُ وَلَكِنْ تَعْمَى الْقُلُوبُ الَّتِي فِي الصُّدُورِ ﴾

Keajaiban bagi setiap keajaiban ialah orang yang lari daripada Dia yang tiada baginya sebarang kelepasan (yakni Allāh dan juga segala qadak dan qadarNya), dan mencari pula apa yang tidak akan kekal di sisinya (yakni dunia serta segala kehendak dan keinginan nafsu).

“Sesungguhnya yang buta bukanlah segala mata [di kepala], tetapi yang buta ialah kalbu-kalbu yang berada di dalam dada-dada [manusia].” [Mafhum Sūrah al-Hajj ayat 46.]

(42)

لَا تَرْحَلْ مِنْ كَوْنٍ إِلَى كَوْنٍ فَتَكُونَ كَحِمَارِ الرَّحَى ، يَسِيرُ الْمَكَانُ الَّذِي ارْتَحَلَ إِلَيْهِ هُوَ
الَّذِي ارْتَحَلَ مِنْهُ . وَلَكِنْ ارْتَحَلْ مِنَ الْأَكْوَانِ إِلَى الْمُكُونِ ﴿ وَأَنْ إِلَى رَبِّكَ الْمُنْتَهَى ﴾ .
وَانْظُرْ إِلَى قَوْلِهِ صَلَّى اللَّهُ عَلَيْهِ وَسَلَّمَ فَمَنْ كَانَتْ هِجْرَتُهُ إِلَى اللَّهِ وَرَسُولِهِ ، فَهِجْرَتُهُ إِلَى
اللَّهِ وَرَسُولِهِ ، وَمَنْ كَانَتْ هِجْرَتُهُ إِلَى الدُّنْيَا يُصِيبُهَا أَوْ امْرَأَةً يَتَزَوَّجُهَا فَهِجْرَتُهُ إِلَى مَا هَاجَرَ
إِلَيْهِ ، فَافْهَمْ قَوْلَهُ عَلَيْهِ الصَّلَاةُ وَالسَّلَامُ فَهِجْرَتُهُ إِلَى مَا هَاجَرَ إِلَيْهِ ، وَتَأَمَّلْ هَذَا الْأَمْرَ إِنَّ
كُنْتَ ذَا فَهْمٍ .

Janganlah engkau mengembara dari satu alam ke satu alam yang lain. Maka jadilah engkau seumpama seekor keldai [yang sedang berjalan berpusing-pusing mengelilingi] batu pengisar gandum. Tempat yang ia berjalan kepadanya [itu pada akhir setiap pusingan] adalah tempat yang ia berjalan daripadanya.

Tetapi, mengembaralah engkau daripada sekalian alam dan menujulah engkau kepada Pencipta sekalian alam.

“Dan sesungguhnya kepada Tuhanmulah kesudahan itu.”
[Mafhum Sūrah an-Najm ayat 42.]

Dan perhatikanlah kepada kata-kata baginda *ṣallallāhu ‘alaihi wa sallam* [yang bermafhum], “Sesiapa yang perpindahannya adalah kepada Allāh dan rasulNya, maka perpindahannya itu adalah kepada Allāh dan rasulNya. Sesiapa yang perpindahannya adalah kepada dunia yang dia cari, atau kepada seorang wanita yang dia kahwini, maka perpindahannya itu adalah kepada apa yang dia berhijrah kepadanya.”

Maka fahamilah engkau kata-kata baginda *‘alaihiṣ-ṣalātu was-salām*, “Maka perpindahannya itu adalah kepada apa yang dia berhijrah kepadanya,” dan camkanlah perkara ini, jika engkau adalah seorang yang memiliki kefahaman!

(43)

لَا تَصْحَبْ مَنْ لَا يُنْهَضُكَ حَالُهُ وَلَا يَدُلُّكَ عَلَى اللَّهِ مَقَالُهُ .

Janganlah engkau bersahabat dengan orang yang keadaan rohaninya tiada membangkitkan semangatmu, dan kata-katanya tiada memimpinmu kepada Allāh.

(44)

رُبَّمَا كُنْتَ مُسِيئًا فَأَرَاكَ الْإِحْسَانَ مِنْكَ صُحْبَتِكَ إِلَى مَنْ هُوَ أَسْوَأُ حَالًا مِنْكَ .

Mungkin sahaja keadaanmu adalah jahat tetapi telah ditampakan kepadamu sebagai kebaikan dirimu, kerana persahabatanmu dengan seorang yang keadaannya adalah lebih jahat daripadamu.

(45)

مَا قَلَّ عَمَلٌ بَرَزَ مِنْ قَلْبٍ زَاهِدٍ وَمَا كَثُرَ عَمَلٌ بَرَزَ مِنْ قَلْبٍ رَاغِبٍ .

Tiadalah boleh dianggap sedikit amal yang terbit dari sebuah kalbu yang *zāhid* (seorang yang mengamalkan kezuhudan di dunia ini), dan tiadalah boleh dianggap banyak amal yang terbit dari sebuah kalbu yang *rāghib* (seorang yang sangat gemar kepada dunia dan juga melobakannya).

(46)

حُسْنُ الْأَعْمَالِ نَتَاجُ حُسْنِ الْأَحْوَالِ ، وَحُسْنُ الْأَحْوَالِ مِنَ التَّحَقُّقِ فِي مَقَامَاتِ الْإِنِّزَالِ .

Kebaikan amal-amal adalah hasil kebaikan *al-aḥwāl* (keadaan-keadaan rohani) dan kebaikan *al-aḥwāl* adalah dari merealisasikan pada stesyen-stesyen rohani yang telah diturunkan.

(47)

لَا تَتْرُكِ الذِّكْرَ لِعَدَمِ حُضُورِكَ مَعَ اللَّهِ فِيهِ ، لِأَنَّ غَفْلَتَكَ عَنْ وُجُودِ ذِكْرِهِ أَشَدُّ مِنْ غَفْلَتِكَ فِي
وُجُودِ ذِكْرِهِ . فَعَسَى أَنْ يَرْفَعَكَ مِنْ ذِكْرٍ مَعَ وُجُودِ غَفْلَةٍ إِلَى ذِكْرِهِ مَعَ وُجُودِ يَقْظَةٍ ، وَمِنْ
ذِكْرٍ مَعَ وُجُودِ يَقْظَةٍ إِلَى ذِكْرٍ مَعَ وُجُودِ حُضُورٍ ، وَمِنْ ذِكْرٍ مَعَ وُجُودِ حُضُورٍ إِلَى ذِكْرٍ مَعَ
غَيْبَةٍ عَمَّا سِوَى الْمَذْكُورِ ﴿ وَمَا ذَلِكَ عَلَى اللَّهِ بِعَزِيزٍ ﴾ .

Janganlah engkau meninggalkan berzikir kerana tiada wujud kehadiranmu berserta Allāh di dalamnya. Ini adalah kerana kelalaianmu di dalam tidak berzikir kepadaNya, adalah lebih buruk daripada kelalaianmu di dalam berzikir kepadaNya.

Mungkin sahaja Dia akan menaikkanmu dari tahap berzikir disertai dengan kelalaian, ke tahap berzikir disertai dengan kesedaran (yakni dapat berzikir dengan tidak disertai sebarang kelalaian).

Dan dari tahap berzikir disertai dengan kesedaran, ke tahap berzikir disertai dengan kehadiran (yakni merasakan kehadiran Allāh).

Dan dari tahap berzikir disertai dengan kehadiran, ke tahap berzikir di mana telah ghaib [daripada kewujudan] tiap sesuatu selain daripada yang dizikirkan (yakni selain Allāh).

“Dan tiadalah yang demikian itu sukar bagi Allāh.” [Mafhum Sūrah Ibrāhīm ayat 20.]

(48)

مِنْ عِلَامَاتِ مَوْتِ الْقَلْبِ عَدَمُ الْخُزْنِ عَلَى مَا فَاتَكَ مِنَ الْمَوَافِقَاتِ ، وَتَرْكُ النَّدَمِ عَلَى مَا
فَعَلْتَهُ مِنْ وُجُودِ الزَّلَّاتِ .

[Sesetengah] daripada tanda-tanda kematian kalbu ialah ketiadaan merasa sedih di atas apa yang telah luput olehmu daripada segala kemuafakatan (yakni kebajikan atau ketaatan), dan meninggalkan (yakni tiada merasakan sedikit pun rasa) penyesalan di atas apa yang telah engkau lakukan daripada segala kesalahan (atau dosa).

(49)

لَا يَعْظُمُ الذَّنْبُ عِنْدَكَ عَظَمَةً تَصُدُّكَ عَنْ حُسْنِ الظَّنِّ بِاللَّهِ تَعَالَى ، فَإِنَّ مَنْ عَرَفَ رَبَّهُ
اسْتَصْغَرَ فِي جَنْبِ كَرَمِهِ ذَنْبَهُ .

Janganlah kebesaran dosa di sisimu [terlalu mengecewakanmu sehingga ia menjadi] satu kebesaran yang menegahmu daripada berbaik sangka dengan Allāh Ta'ālā. Kerana sesungguhnya, sesiapa yang mengenali Tuhannya, akan ternampak kecil dosanya di sisi kemurahanNya.

(50)

لَا صَغِيرَةٌ إِذَا قَابَلَكَ عَدُوُّهُ ، وَلَا كَبِيرَةٌ إِذَا وَاجَهَكَ فَضْلُهُ .

Tiadalah [sesuatu dosa itu] dianggap kecil jika engkau berhadapan (yakni jika dosamu dihadapkan) dengan keadilanNya, dan tiadalah pula [sesuatu dosa itu] dianggap besar jika engkau berhadapan (yakni jika dosamu dihadapkan) dengan kurniaNya.

(51)

لَا عَمَلَ أَرْجَى لِلْقَبُولِ مِنْ عَمَلٍ يَغِيبُ عَنْكَ شُهُودُهُ وَيُحْتَقَرُ عِنْدَكَ وُجُودُهُ .

Tiadalah satu amal yang lebih diharapkan untuk diterima [oleh Allāh] daripada amal yang ghaib daripadamu penyaksiannya (yakni tiada engkau memandangnya), dan hina di sisimu kewujudannya (yakni engkau menganggapnya remeh atau tidak penting).

(52)

إِنَّمَا أُورِدَ عَلَيْكَ الْوَارِدَ لِتَكُونَ بِهِ عَلَيْهِ وَارِدًا .

Sesungguhnya Dia menurunkan ke atasmu *al-wārid* agar dengannya engkau dapat sampai kepadaNya.

(53)

أُورِدَ عَلَيْكَ الْوَارِدَ لِيَتَسَلَّمَ مِنْ يَدِ الْأَغْيَارِ وَلِيُحَرِّكَ مِنْ رِقِّ الْأَثَارِ.

Dia menurunkan ke atasmu *al-wārid* untuk menyelamatkan dirimu dari tangan *al-aghyār* (segala sesuatu selain daripadaNya, yakni agar engkau tidak berada di bawah kuasa setiap sesuatu selain daripada Allāh) dan untuk membebaskan dirimu dari belenggu *al-āthār* (kesan-kesan, yakni agar engkau tidak menjadi hamba kepada mana-mana makhluk di alam semesta).

(54)

أُورِدَ عَلَيْكَ الْوَارِدَ لِيُخْرِجَكَ مِنْ سِجْنِ وَجُودِكَ إِلَى فِضَاءِ شُهُودِكَ .

Dia menurunkan ke atasmu *al-wārid* untuk mengeluarkanmu dari penjara kewujudanmu ke ruang angkasa penyaksian rohanimu.

الْأَنْوَارُ مَطَايَا الْقُلُوبِ وَالْأَسْرَارِ .

Al-anwār (cahaya-cahaya kerohanian) adalah tunggangan (yakni kenderaan) bagi segala kalbu dan bagi segala rahsia.

(56)

النُّورُ جُنْدُ الْقَلْبِ كَمَا أَنَّ الظُّلْمَةَ جُنْدُ النَّفْسِ ، فَإِذَا أَرَادَ اللَّهُ أَنْ يَنْصُرَ عَبْدَهُ أَمَدَّهُ بِجُنُودِ
الْأَنْوَارِ وَقَطَعَ عَنْهُ مَدَدَ الظُّلْمِ وَالْأَغْيَارِ .

Cahaya adalah tentera kalbu sebagaimana kegelapan adalah tentera nafsu.

Maka apabila Allāh menghendaki untuk menolong hambaNya, Dia membantunya dengan tentera cahaya dan memotong bantuan kegelapan dan *al-aghyār* (segala sesuatu selain daripada Allāh) daripadanya.

(57)

النُّورُ لَهُ الْكَشْفُ ، وَالْبَصِيرَةُ لَهَا الْحُكْمُ ، وَالْقَلْبُ لَهُ الْإِقْبَالُ وَالْإِدْبَارُ .

Penyingkapan rohani itu adalah milik *an-nūr* (cahaya), dan hukum itu (yakni menentukan kebenaran atau kebatilan sesuatu perkara) adalah milik *al-baṣīrah* (penglihatan melalui mata hati), dan pendekatan serta pemalingan itu (yakni melaksanakan sesuatu perkara atau meninggalkannya) adalah milik kalbu.

(58)

لَا تَفْرَحْكَ الطَّاعَةُ لِأَنَّهَا بَرَزَتْ مِنْكَ ، وَأَفْرَحْ بِهَا لِأَنَّهَا بَرَزَتْ مِنَ اللَّهِ إِلَيْكَ ﴿قُلْ بِفَضْلِ اللَّهِ
وَبِرَحْمَتِهِ فَبِذَلِكَ فَلْيَفْرَحُوا هُوَ خَيْرٌ مِمَّا يَجْمَعُونَ﴾

Janganlah engkau bergembira dengan ketaatan kerana ia telah datang daripadamu. Tetapi, bergembiralah engkau dengannya kerana ia telah datang daripada Allāh kepadamu.

“Katakanlah bahawa dengan pengurniaan Allāh dan dengan rahmatNya [berlakunya perkara itu]. Maka dengan itulah mereka harus bergembira. Ia adalah lebih baik daripada apa yang mereka kumpulkan.” [Mafhum Sūrah Yūnus ayat 58.]

(59)

قَطَعَ السَّائِرِينَ لَهُ وَالْوَاصِلِينَ إِلَيْهِ عَنْ رُؤْيَا أَعْمَالِهِمْ وَشُهُودِ أَحْوَالِهِمْ ، أَمَّا السَّائِرُونَ فَإِنَّهُمْ لَمْ
يَتَحَقَّقُوا الصِّدْقَ مَعَ اللَّهِ فِيهَا ، وَأَمَّا الْوَاصِلُونَ فَلَأَنَّهُ غَيْبُهُمْ بِشُهُودِهِ عَنْهَا .

Dia telah memotong para pengembara kepadaNya dan orang-orang yang telah sampai kepadaNya daripada melihat kepada amal-amal mereka dan daripada menyaksikan keadaan-keadaan rohani mereka.

Adapun para pengembara, ia adalah kerana mereka masih belum dapat merealisasikan kejujuran bersama Allāh di dalamnya.

Dan adapun orang-orang yang telah sampai, ia adalah kerana Dia telah mengghaibkan mereka daripadanya kerana penyaksian mereka terhadapNya.

(60)

مَا بَسَقَتْ أَغْصَانُ الذُّلِّ إِلَّا عَلَى بَذْرِ طَمَعٍ .

Tiada akan tumbuh (yakni naik menjulang) dahan-dahan kehinaan melainkan di atas benih ketamakan.

(61)

مَا قَادَكَ شَيْءٌ مِّثْلُ الْوَهْمِ .

Tiada sesuatu yang dapat memimpinmu (yakni memimpinmu ke arah kebatilan) seperti *al-wahm* (ilusi).

(62)

أَنْتَ حُرٌّ مِّمَّا أَنْتَ عَنْهُ آسٍ ، وَعَبْدٌ لِّمَا أَنْتَ لَهُ طَامِعٌ .

Engkau hanyalah merdeka dari apa yang tiada engkau memiliki sesuatu keperluan kepadanya (atau yang kepadanya tiada engkau meletakkan sebarang harapan), dan engkau adalah seorang hamba kepada apa yang kepadanya engkau memiliki sesuatu kelobaan (atau yang kepadanya engkau meletakkan sesuatu harapan).

(63)

مَنْ لَمْ يُقْبَلْ عَلَى اللَّهِ بِمُلَاطَفَاتِ الْإِحْسَانِ ، قُيِّدَ إِلَيْهِ بِسَلْسِلِ الْإِمْتِحَانِ .

Sesiapa yang tidak mendekati Allāh dengan kelembutan *al-ihsān* (kurniaan Allāh), akan diseret kepadaNya dengan rantai-rantai *al-imtiḥān* (ujian, yakni ujian Allāh di dalam bentuk bala dan musibah).

(64)

مَنْ لَمْ يَشْكُرِ النِّعَمَ فَقَدْ تَعَرَّضَ لَزَوَالِهَا ، وَمَنْ شَكَرَهَا فَقَدْ قَيَّدَهَا بِعِقَالِهَا .

Sesiapa yang tidak mensyukuri nikmat-nikmat Allāh, maka dia telah berusaha untuk menghilangkannya.

Dan sesiapa yang mensyukurinya, maka dia telah mengikatnya dengan tali ikatannya [yang kukuh].

(65)

خَفْ مِنْ وُجُودِ إِحْسَانِهِ إِلَيْكَ وَدَوَامِ إِسَاءَتِكَ مَعَهُ أَنْ يَكُونَ ذَلِكَ اسْتِدْرَاجًا لَكَ
﴿سَنَسْتَدْرِجُهُمْ مِنْ حَيْثُ لَا يَعْلَمُونَ﴾

Merasa takutlah engkau daripada [keadaan di mana masih] wujud *iḥsān*-Nya kepadamu sedangkan engkau tetap berkekalan melakukan kemaksiatan kepadaNya, bahawa perkara itu akan menjadi satu *istidrāj* (tipudaya yakni tarikan berangsur-angsur ke arah kebinasaan) bagimu.

“Kami akan memberikan kepada mereka *istidrāj* dari arah yang tiada mereka ketahui.” [Mafhum Sūrah al-Qalam ayat 44.]

(66)

مِنْ جَهْلِ الْمُرِيدِ أَنْ يُسِيءَ الْأَدَبَ فَتُؤَخَّرَ الْعُقُوبَةُ عَنْهُ فَيَقُولُ : لَوْ كَانَ هَذَا سُوءَ آدَبٍ لَقَطَعَ
الْإِمْدَادَ وَأَوْجَبَ الْإِبْعَادَ ، فَقَدْ يُقْطَعُ الْمَدَدُ عَنْهُ مِنْ حَيْثُ لَا يَشْعُرُ وَلَوْ لَمْ يَكُنْ إِلَّا مَنَعُ
الْمَزِيدِ ، وَقَدْ يُقَامُ مَقَامُ الْبُعْدِ وَهُوَ لَا يَدْرِي ، وَلَوْ لَمْ يَكُنْ إِلَّا أَنْ يُخَلِّيكَ وَمَا تُرِيدُ .

Sesetengah daripada kejahilan si murid ialah dia melakukan satu adab yang jahat dan hukumannya pula ditunda, maka berkata dia, “Andaikata ini benar-benar satu adab yang jahat, [sudah tentu] Dia akan memotong bantuan rohani dan mewajibkan kejauhan.”

Mungkin sahaja bantuan rohani itu telah terpotong daripada dirinya tanpa dia merasakannya, meskipun tiadalah ia berlaku melainkan dari segi dia ditegah daripada menerima sebarang penambahan [kerohanian].

Dan mungkin juga kedudukan kejauhan itu telah didirikan tanpa dia mengetahuinya, meskipun tiadalah ia berlaku melainkan dari segi dibiarkan engkau melakukan apa jua sekehendakmu.

(67)

إِذَا رَأَيْتَ عَبْدًا أَقَامَهُ اللَّهُ تَعَالَى بِوُجُودِ الْأَوْرَادِ وَأَدَامَهُ عَلَيْهَا مَعَ طُولِ الْإِمْدَادِ فَلَا تَسْتَحْقِرَنَّ
مَا مَنَحَهُ مَوْلَاهُ لِأَنَّكَ لَمْ تَرَ عَلَيْهِ سِيمَا الْعَارِفِينَ وَلَا بَهْجَةَ الْمُحِبِّينَ ، فَلَوْلَا وَارِدٌ مَا كَانَ
وَرْدٌ .

Apabila engkau melihat seorang hamba telah Allāh jadikan wujud [pada dirinya mengamalkan] wirid-wirid dan dia berkekalan di atasnya, dan Dia telah memanjangkan pula bantuan [kepada hamba itu sehingga dia berlanjutan mengamalkan wirid-wirid itu], janganlah engkau meremehkan apa yang telah dikurniakan oleh Penaungnya kerana engkau tiada melihat pada dirinya tanda *al-‘ārifīn* dan tiada pula kecemerlangan *al-muḥibbīn* (pencinta-pencinta Allāh), kerana jika bukanlah kerana *wārid* [yang telah turun ke atas hamba itu daripada Tuhannya], tiadalah [akan wujud] wirid [yang telah diamalkan secara berkekalan oleh hamba itu].

(68)

قَوْمٌ أَقَامَهُمُ الْحَقُّ لِحُدُومَتِهِ ، وَقَوْمٌ اخْتَصَّاهُمْ بِمَحَبَّتِهِ : ﴿ كُلُّ نَمِدٍ هَؤُلَاءِ وَهَؤُلَاءِ مِنْ
عَطَاءِ رَبِّكَ وَمَا كَانَ عَطَاءُ رَبِّكَ مَحْظُورًا ﴾

Ada satu kaum yang telah al-Haqq (Yang Maha Benar) dirikan untuk mengkhidmatinya, dan ada satu kaum [lain pula] yang telah Dia istimewakan untuk mencintainya.

“Telah Kami berikan bantuan kepada golongan ini dan kepada golongan itu daripada kemurahan Tuhanmu. Dan tiadalah kemurahan Tuhanmu itu dapat ditegah.” [Mafhum Sūrah al-Isrā' ayat 20.]

(69)

قَلَّ مَا تَكُونُ الْوَارِدَاتُ الْإِلَهِيَّةُ إِلَّا بَغْتَةً صِيَانَةً لَهَا أَنْ يَدْعِيَهَا الْعِبَادُ بِوُجُودِ الْإِسْتِعْدَادِ.

Sangatlah sedikit berlakunya *al-wāridāt al-ilāhiyyah* (curahan-curahan rohani yang dibangsakan kepada ketuhanan) melainkan dengan cara mengejut, agar terpeliharalah ia daripada dakwaan para hamba [bahawa telah] wujud kesiapsediaan [untuknya pada diri mereka].

(70)

مَنْ رَأَيْتَهُ مُجِيبًا عَنْ كُلِّ مَا سُئِلَ وَمُعَبِّرًا عَنْ كُلِّ مَا شَاهَدَ وَذَاكِرًا كُلَّ مَا عَلِمَ فَاسْتَدِلَّ
بِذَلِكَ عَلَى وُجُودِ جَهْلِهِ.

Sesiapa yang engkau lihat menjawab setiap yang disoal [dari hal *al-ma'rifah* dan *at-tauhīd*], dan mentakbirkan (yakni memberi takwil) setiap yang dia saksikan [pada *sīr*-nya dan kasyafnya], dan menyebut setiap yang dia ketahui [dari *‘ālam al-ghaib*], maka perkara itu menunjukkan bahawa wujud kejahilan pada dirinya.

(71)

إِنَّمَا جَعَلَ الدَّارَ الْآخِرَةَ مَحَلًّا لِّجَزَاءِ عِبَادِهِ الْمُؤْمِنِينَ لِأَنَّ هَذِهِ الدَّارَ لَا تَسَعُ مَا يُرِيدُ أَنْ
يُعْطِيَهُمْ ، وَلِأَنَّهُ أَجَلٌ أَقْدَارُهُمْ عَنْ أَنْ يُجَازِيَهُمْ فِي دَارٍ لَا بَقَاءَ لَهَا .

Sesungguhnya Dia telah menjadikan negeri akhirat tempat bagi balasan ganjaran bagi hamba-hambaNya yang beriman, kerana negeri ini (yakni dunia) tiada cukup luas bagi apa yang ingin Dia berikan kepada mereka.

Dan juga kerana sesungguhnya, Dia terlalu membesarkan kadar mereka, sehingga tiadalah Dia [menganggapnya memadai untuk] mengurniakan balasan ganjaran mereka pada negeri yang tiada kekekalan baginya.

(72)

مَنْ وَجَدَ ثَمَرَةَ عَمَلِهِ عَاجِلًا ، فَهُوَ دَلِيلٌ عَلَى وُجُودِ الْقَبُولِ آجِلًا .

Sesiapa yang menemui buah amalnya (yakni dia merasakan kelazatan di dalam melakukan ibadatnya) pada masa sekarang (yakni semasa di dunia lagi), maka ia adalah satu tanda wujudnya penerimaan pada masa hadapan (yakni di akhirat nanti).

(73)

إِذَا أَرَدْتَ أَنْ تَعْرِفَ قَدْرَكَ عِنْدَهُ فَانْظُرْ فِيمَا ذَا يُقِيمُكَ .

Jika engkau ingin mengetahui kedudukanmu di sisiNya, lihatlah di dalam apakah Dia mendirikanmu (yakni lihatlah kedudukanNya di dalam kalbumu sendiri).

(74)

مَتَى رَزَقَكَ الطَّاعَةَ وَالْغِنَى بِه عَنْهَا فَاعْلَمْ أَنَّكَ قَدْ أَصْبَغَ عَلَيْكَ نِعْمَهُ ظَاهِرَةً وَبَاطِنَةً.

Apabila Dia merezekikanmu ketaatan [di dalam melaksanakan segala perintahNya] dan kekayaan denganNya (yakni merasa sudah cukup kaya denganNya sehingga tiada memerlukan kepada mana-mana makhluk dan menjadi benar-benar bebas daripada mereka), maka ketahuilah bahawa sesungguhnya Dia telah mengurniakan ke atasmu nikmat-nikmatNya yang zahir dan batin dengan sempurna.

(75)

خَيْرُ مَا تَطْلُبُهُ مَا هُوَ طَالِبُهُ مِنْكَ.

Sebaik-baik perkara yang patut engkau tuntutan daripadaNya
ialah apa yang Dia tuntutan daripadamu.

(76)

الْحُزْنُ عَلَى فُقْدَانِ الطَّاعَةِ مَعَ عَدَمِ النُّهُوضِ إِلَيْهَا مِنْ عَلَامَاتِ الْإِغْتِرَارِ .

Bersedih di atas terluputnya ketaataan dengan tiada [bersegera] mendirikan kepadanya (yakni masih berlengah-lengah di dalam mendirikan ketaatan), adalah sesetengah daripada tanda-tanda keterpedayaan [si hamba].

(77)

مَا الْعَارِفُ مَنْ إِذَا أَشَارَ وَجَدَ الْحَقَّ أَقْرَبَ إِلَيْهِ مِنْ إِشَارَتِهِ ، بَلِ الْعَارِفُ مَنْ لَا إِشَارَةَ لَهُ
لِفَنَائِهِ فِي وُجُودِهِ وَأَنْطَوَاءِهِ فِي شُهُودِهِ .

Bukanlah *al-‘ārif* orang yang apabila memberi dia isyarat, akan mendapati bahawa al-Ḥaqq (Yang Maha Benar) adalah terlebih dekat daripada isyaratnya.

Tetapi, *al-‘ārif* ialah orang yang tiada sesuatu isyarat baginya, kerana dia telah fana di dalam kewujudanNya, dan telah menjadi terlipat (yakni menjadi lenyap) di dalam menyaksikanNya.

(78)

الرَّجَاءُ مَا قَارَنَهُ عَمَلٌ إِلَّا فَهُوَ أُمْنِيَّةٌ.

Pengharapan [yang sebenar] ialah apa yang disertai amal. Jika tidak, ia [hanyalah setakat] angan-angan.

(79)

مَطْلُوبُ الْعَارِفِينَ مِنَ اللَّهِ تَعَالَى الصِّدْقُ فِي الْعُبُودِيَّةِ وَالْقِيَامُ بِحُقُوقِ الرُّبُوبِيَّةِ .

Yang dituntut oleh *al-‘ārifīn* daripada Allāh Ta‘ālā ialah dapat menjadi benar di dalam *al-‘ubūdiyyah* (kehambaan) dan dapat mendirikan segala hak-hak ketuhanan.

(80)

بَسَطَكَ كَيْ لَا يُبْتِغِيكَ مَعَ الْقَبْضِ ، وَقَبَضَكَ كَيْ لَا يَتْرُكَكَ مَعَ الْبَسْطِ ، وَأَخْرَجَكَ عَنْهُمَا
حَتَّى لَا تَكُونَ لَشَيْءٍ دُونَهُ .

Dia (yakni Allāh) telah menjadikanmu lapang agar tiada engkau kekal di dalam kesempitan. Dan Dia telah menjadikanmu sempit agar tiada engkau ditinggal [selama-lamanya] di dalam kelapangan.

Dan Dia telah mengeluarkanmu daripada kedua-duanya sehingga tiadalah engkau menjadi milik sesuatu selainNya.

(81)

الْعَارِفُونَ إِذَا بُسِطُوا أَخَوْفُ مِنْهُمْ إِذَا قُبِضُوا ، وَلَا يَتَّقُونَ عَلَى حُدُودِ الْأَدَبِ فِي الْبُسْطِ
إِلَّا قَلِيلٌ .

Al-‘ārifūn jika mereka diberikan kelapangan, akan merasa lebih takut daripada jika mereka diberikan kesempitan.

Dan tiadalah yang dapat berdiri tegak di atas batas-batas adab di dalam kelapangan melainkan sedikit [sahaja bilangannya].

(82)

الْبَسْطُ تَأْخُذُ النَّفْسُ مِنْهُ حَظًّا بِوُجُودِ الْفَرَحِ ، وَالْقَبْضُ لَا حَظَّ لِلنَّفْسِ فِيهِ .

Kerana wujudnya kegembiraan, nafsu akan mengambil bahagiannya daripada *al-bast* (kelapangan), sedangkan *al-qabḍ* (kesempitan) pula, tiadalah di dalamnya sebarang bahagian bagi nafsu.

(83)

رُبَّمَا أُعْطَاكَ فَمَنْعَكَ ، وَرُبَّمَا مَنَعَكَ فَأَعْطَاكَ .

Mungkin di dalam Dia memberikan kepadamu, Dia telah menahan daripadamu [perkara-perkara yang pada hakikatnya adalah lebih baik bagimu].

Mungkin di dalam Dia menahan daripadamu, Dia telah memberikan kepadamu [perkara-perkara yang pada hakikatnya adalah lebih baik bagimu].

(84)

مَتَى فَتَحَ لَكَ بَابَ الْفَهْمِ فِي الْمُنْعِ عَادَ الْمُنْعُ عَيْنَ الْعَطَاءِ .

Apabila Dia membuka untukmu pintu kefahaman di dalam
[mana-mana] penahanan, kembalilah penahanan itu [bertukar pula]
menjadi esensi pemberian.

(85)

الْأَكْوَانُ ظَاهِرُهَا غِرَّةٌ وَبَاطِنُهَا عِبْرَةٌ ، فَالْنَفْسُ تَنْظُرُ إِلَى ظَاهِرِ غِرَّتِهَا ، وَالْقَلْبُ يَنْظُرُ إِلَى
بَاطِنِ عِبْرَتِهَا .

Alam semesta, zahirnya adalah tipudaya dan batinnya adalah peringatan. Maka nafsu melihat kepada zahir tipudayanya, dan kalbu melihat kepada batin peringatannya.

(86)

إِنْ أُرِدْتَ أَنْ يَكُونَ لَكَ عِزٌّ لَا يَفْنَى ، فَلَا تَسْتَعِزَّ بِعِزِّ يَفْنَى .

Jika engkau menghendaki bahawa terjadi bagimu kemuliaan yang tiada punah, janganlah engkau merasa mulia dengan mana-mana kemuliaan yang akan punah.

(87)

الطَّيُّ الْحَقِيقِيُّ أَنَّ تَطْوِيَّ مَسَافَةِ الدُّنْيَا عَنْكَ ، حَتَّى تَرَى الْآخِرَةَ أَقْرَبَ إِلَيْكَ مِنْكَ .

[Karamah yang dikenali sebagai] penglipatan [bumi] yang sebenar ialah terlipatnya jarak dunia daripada dirimu, sehingga engkau melihat akhirat itu adalah lebih hampir kepadamu daripada dirimu.

(88)

الْعَطَاءُ مِنَ الْخَلْقِ حَرْمَانٌ وَالْمَنْعُ مِنَ اللَّهِ إِحْسَانٌ .

Pemberian daripada makhluk [pada hakikatnya] adalah satu penegahan, dan penahanan daripada Allāh [pada hakikatnya] adalah satu [kurniaan] kebaikan.

(89)

جَلَّ رَبُّنَا أَنْ يُعَامِلَهُ الْعَبْدُ تَقْدًا فَيَجَازِيَهُ نَسِيَةً .

Maha Besar Tuhan kita bahawa apabila beramal si hamba secara kontan (yakni secara tunai atau bersegera), maka memberi Dia pula ganjaran kepadanya secara bertangguh (yakni pada Hari Kiamat nanti).

(90)

كَفَى مِنْ جَزَائِهِ إِيَّاكَ عَلَى الطَّاعَةِ أَنْ رَضِيكَ لَهَا أَهْلًا.

Memadailah bagimu sebagai ganjaran daripadaNya di atas ketaatan itu, bahawa Dia telah reda engkau menjadi ahli baginya (yakni ahli bagi ketaatan itu).

(91)

كَفَى الْعَامِلِينَ جَزَاءً مَا هُوَ فَاتِحُهُ عَلَى قُلُوبِهِمْ فِي طَاعَتِهِ ، وَمَا هُوَ مُورِدُهُ عَلَيْهِمْ مِنْ
وَجُودٍ مُؤَانَسَتِهِ .

Memadailah sebagai satu ganjaran bagi mereka yang beramal, apa yang telah Dia bukakan di atas kalbu-kalbu mereka di dalam (yakni sehingga mereka dapat) mentaatiNya, dan apa yang telah Dia datangkan ke atas mereka dari kewujudan intimasi (yakni rasa ramah mesra bersamaNya).

(92)

مَنْ عَبْدُهُ لَشَيْءٍ يَرْجُوهُ مِنْهُ ، أَوْ لِيَدْفَعَ بِطَاعَتِهِ وَرُودَ الْعُقُوبَةِ عَنْهُ ، فَمَا قَامَ بِحَقِّ
أَوْصَافِهِ .

Sesiapa yang beribadat kepadaNya kerana sesuatu yang dia harapkan daripadaNya, atau ingin menolak dengan ketaatannya itu hukuman yang telah menimpa ke atasnya, maka tiadalah dia [benar-benar] telah mendirikan hak bagi sifat-sifatNya.

(93)

مَتَىٰ أَعْطَاكَ أَشْهَدُكَ بِرَّهٖ ، وَمَتَىٰ مَنَعَكَ أَشْهَدُكَ قَهْرَهٗ ، فَهُوَ فِي كُلِّ ذَلِكٍ مُّعَرِّفٌ إِلَيْكَ ،
وَمُقْبِلٌ بِوُجُودِ لُطْفِهِ عَلَيْكَ .

Ketika Dia memberi kepadamu, Dia telah mempersaksikan kepadamu belas kasihNya. Dan ketika Dia menahan daripadamu, Dia telah mempersaksikan kepadamu keperkasaanNya.

Dan Dialah yang telah memperkenalkan diriNya kepadamu pada setiap perkara itu, dan Dialah yang telah mendekatimu (atau Dialah yang telah menghadapkan diriNya kepadamu) dengan kelembutanNya ke atasmu.

(94)

إِنَّمَا يُؤْلِمُكَ الْمُنْعُ لَعَدَمِ فَهْمِكَ عَنِ اللَّهِ فِيهِ .

Sesungguhnya penahanan itu menyakitimu kerana tiada wujud kefahamanmu mengenai Allāh di dalamnya (yakni kerana tiada memahami hikmah/kebijaksanaan dan rahmat yang terkandung di dalam penegahanNya itu).

(95)

رُبَّمَا فَتَحَ لَكَ بَابَ الطَّاعَةِ وَمَا فَتَحَ لَكَ بَابَ الْقَبُولِ ، وَرُبَّمَا قَضَىٰ عَلَيْكَ بِالذَّنْبِ فَكَانَ
سَبَبًا فِي الْوُصُولِ .

Mungkin sahaja Dia telah membukakan bagimu pintu ketaatan, tetapi tiada Dia membukakan bagimu pintu *al-qabūl* (penerimaan).

Dan mungkin sahaja Dia telah menentukan ke atasmu dengan dosa, maka menjadi pula ia sebab bagi *al-wuṣūl* (sampai kepadaNya yakni sampai kepada *ma'rifah* yang lebih sempurna mengenaiNya).

(96)

مَعْصِيَةٌ أَوْرَثَتْ ذُلًّا وَافْتِقَارًا خَيْرٌ مِنْ طَاعَةٍ أَوْرَثَتْ عِزًّا وَاسْتِكْبَارًا .

Kemaksiatan yang mewariskan rasa hina dan *iftiqār* (rasa sangat memerlukan kepada Allāh), adalah lebih baik daripada ketaatan yang mewariskan rasa mulia dan *istikbār* (rasa besar diri).

(97)

نَعْمَتَانِ مَا خَرَجَ مَوْجُودٌ عَنْهُمَا وَلَا بُدَّ لِكُلِّ مُكُونٍ مِنْهُمَا : نِعْمَةُ الْإِيجَادِ وَنِعْمَةُ الْإِمْدَادِ .

Dua nikmat yang tiada [sekali-kali akan] keluar setiap maujud daripada kedua-duanya, dan tiada dapat tiada bagi setiap yang diadakan (yakni setiap makhluk) daripada kedua-duanya (yakni dua nikmat ini terdapat pada setiap makhluk dan tiada boleh disangkal akan hakikatnya): nikmat *al-ījād* (diberikan kewujudan oleh Allāh) dan nikmat *al-imdād* (diberikan kelanjutan oleh Allāh).

(98)

أَنْعَمَ عَلَيْكَ أَوَّلًا بِالْإِجَادِ وَثَانِيًا بِتَوَالِي الْإِمْدَادِ .

Dia telah mengurniakan nikmat ke atasmu, pada kali pertamanya dengan *al-ījād* (diberikan kewujudan oleh Allāh), dan pada kali keduanya dengan penerusan *al-imdād* (diberikan kelanjutan oleh Allāh).

(99)

فَاقْتُكَ لَكَ ذَاتِيَّةٌ وَوُرُودُ الْأَسْبَابِ مُذَكِّرَاتٌ لَكَ بِمَا خَفِيَ عَلَيْكَ مِنْهَا ، وَالْفَاقَةُ الذَّاتِيَّةُ لَا
تَدْفَعُهَا الْعَوَارِضُ .

Keperluanmu [kepada Allāh Ta'ālā] adalah sesuatu yang bersifat *dhātiyyah* (intrinsik yakni semula jadi) bagi dirimu, sedangkan kedatangan-kedatangan segala sebab-musabab adalah peringatan-peringatan kepadamu tentang apa yang tersembunyi bagimu daripadanya (yakni daripada sifat yang semula jadi itu).

Dan tiadalah keperluanmu yang bersifat *dhātiyyah* itu dapat dihindarkan oleh sesuatu yang bersifat sementara.

(100)

خَيْرُ أَوْقَاتِكَ وَقْتُ تَشْهَدُ فِيهِ وُجُودَ فَاقَاتِكَ وَتُرَدُّ فِيهِ إِلَى وُجُودِ ذَلِّكَ .

Sebaik-baik waktumu ialah waktu engkau menyaksikan di dalamnya kewujudan keperluanmu [kepada Allāh Ta‘ālā] dan dikembalikan engkau di dalamnya kepada kewujudan kehinaanmu.

(101)

مَتَى أَوْحَشَكَ مِنْ خُلُقِهِ فَاعْلَمْ أَنَّهُ يُرِيدُ أَنْ يَفْتَحَ لَكَ بَابَ الْإِنْسِ بِهِ .

Apabila Dia menjadikan engkau merasa liar (atau merasa jemu) dengan makhlukNya, maka ketahuilah bahawa sesungguhnya Dia ingin membukakan untukmu pintu *al-uns* (intimasi yakni merasa ramah mesra atau berjinak-jinak) denganNya.

(102)

مَتَى أَطْلُقَ لِسَانَكَ بِالطَّلَبِ فَأَعْلَمْ أَنَّهُ يُرِيدُ أَنْ يُعْطِيَكَ .

Apabila Dia telah melepaskan lidahmu untuk meminta, maka ketahuilah bahawa Dia menghendaki untuk menganugerahkan kepadamu [perkara itu atau yang lebih baik daripadanya, jika Dia mahu pada masa sekarang dan jika Dia mahu pada masa akan datang].

(103)

الْعَارِفُ لَا يَزُولُ اضْطِرَارُهُ وَلَا يَكُونُ مَعَ غَيْرِ اللَّهِ قَرَارُهُ .

Tiadalah *al-‘ārif* akan berhenti daripada merasakan dia sangat memerlukan kepadaNya, dan tiadalah akan berlaku bahawa dia akan merasa tenang (atau berehat diri) dengan yang selain Allāh.

(104)

أَنَارَ الظَّوَاهِرَ بِأَنْوَارِ آثَارِهِ ، وَأَنَارَ السَّرَائِرَ بِأَنْوَارِ أَوْصَافِهِ ، لِأَجْلِ ذَلِكَ أَفَلَتْ أَنْوَارُ
الظَّوَاهِرِ ، وَلَمْ تَأْفُلْ أَنْوَارُ الْقُلُوبِ وَالسَّرَائِرِ وَلِذَلِكَ قِيلَ : إِنَّ شَمْسَ النَّهَارِ تَغْرُبُ بِاللَّيْلِ
وَشَمْسَ الْقُلُوبِ لَيْسَتْ تَغِيبُ .

Dia telah menerangi segala perkara yang zahir dengan cahaya-cahaya *āthār*-Nya (kesan-kesanNya, yakni para makhluk ciptaan Allāh) dan Dia telah menerangi rahsia-rahsia batin dengan cahaya-cahaya sifatNya (yakni dengan cahaya yang tidak dicipta, kerana sifatNya bukanlah sesuatu ciptaan).

Maka kerana itu akan terbenam cahaya-cahaya pada segala perkara yang zahir, dan tiadalah akan terbenam cahaya-cahaya pada kalbu-kalbu dan rahsia-rahsia batin.

Dan kerana itu juga telah dikatakan [oleh sesetengah guru sufi]: Sesungguhnya matahari di siang hari akan terbenam dengan masuknya waktu malam, sedangkan matahari bagi segala kalbu tiadalah ia akan pernah terbenam.

(105)

لِيُخَفِّفَ عَنْكَ أَلَمَ الْبَلَاءِ عَلَيْكَ عَلِمْتَ بِأَنَّهُ سُبْحَانَهُ هُوَ الْمُبْتَلَى لَكَ ، فَالَّذِي وَاجِهَتْكَ
مِنْهُ الْأَقْدَارُ هُوَ الَّذِي عَوَّدَكَ حُسْنَ الْإِخْتِيَارِ .

Hendaklah engkau merasa ringan dengan kepedihan bala di atasmu, kerana mengetahuinya engkau bahawa Dialah, Maha Suci Dia, yang telah menurunkan bala itu kepadamu.

Dia yang telah menghadapkan segala takdir daripadaNya itu kepadamu, maka Dia jugalah yang telah membiasakanmu dengan kebaikan pilihan (yakni Dia telah membiasakanmu dengan pilihan-pilihanNya yang terlebih baik bagimu).

(106)

مَنْ ظَنَّ أَنْفَكَ لُطْفَهُ عَنْ قَدَرِهِ فَذَلِكَ لِقُصُورِ نَظَرِهِ .

Sesiapa yang bersangka bahawa kelembutanNya adalah terpisah daripada qadarNya (yakni ketentuanNya atau takdirNya), maka adalah kerana tersingkat pandangannya (yakni hanya orang yang berpandangan singkat sahaja yang bersangka sedemikian).

(107)

لَا يُخَافُ عَلَيْكَ أَنْ تُتَبَسَّ الطُّرُقُ عَلَيْكَ ، وَإِنَّمَا يُخَافُ عَلَيْكَ مِنْ غَلَبَةِ الْهَوَىٰ عَلَيْكَ .

Tiadalah ditakuti bahawa engkau akan menjadi terkeliru di atas jalan ini, tetapi yang ditakuti ialah engkau terkalah oleh hawa.

(108)

سُبْحَانَ مَنْ سَرَّ سِرَّ الْخُصُوصِيَّةِ بِظُهُورِ الْبَشَرِيَّةِ وَظَهَرَ بَعْظَمَةَ الرَّبُوبِيَّةِ فِي إِظْهَارِ الْعُبُودِيَّةِ .

Maha Suci Dia yang telah menutupkan rahsia keteristimewaan [yang telah diberikanNya kepada wali-waliNya] dengan penzahiran [sifat-sifat] kemanusiaan [pada diri wali-waliNya], dan yang telah menzahirkan kebesaran *ar-rubūbiyyah* (ketuhanan) di dalam penzahiran *al-‘ubūdiyyah* (kehambaan).

(109)

لَا تُطَالِبُ رَبَّكَ بِتَأَخُّرِ مَطْلَبِكَ وَلَكِنْ طَالِبُ نَفْسِكَ بِتَأَخُّرِ أَدَبِكَ .

Janganlah engkau menuntut daripada Tuhanmu kerana lambat [memperkenankan] permintaanmu, tetapi tuntutanlah daripada nafsumu kerana lambat [mendirikan] adabmu (yakni di dalam melaksanakan adab-adab kehambaan kepada Allāh).

(110)

مَتَى جَعَلَكَ فِي الظَّاهِرِ مُمَثَّلًا لِأَمْرِهِ وَرَزَقَكَ فِي الْبَاطِنِ الْإِسْتِسْلَامَ لِقَهْرِهِ فَقَدْ أَعْظَمَ الْمِنَّةَ
عَلَيْكَ .

Apabila Dia telah menjadikan engkau pada zahirmu menuruti perintahNya, dan telah merezekikan pada batinmu penyerahan bulat-bulat kepada keperkasaanNya, maka Dia telah menjadikan besar kurniaan itu kepadamu.

(111)

لَيْسَ كُلُّ مَنْ ثَبَتَ تَخْصِيصُهُ كَمُلَ تَخْلِيصُهُ .

Tiadalah setiap orang yang telah sabit kekhususannya (atau keteristimewaannya, yakni telah zahir perkara-perkara yang menarik adat di tangannya) telah sempurna pelepasannya (yakni sudah bebas daripada melihat kepada yang selainNya).

(112)

لَا يَسْتَحِقُّ الْوَرْدَ إِلَّا جَهْلٌ ، الْوَارِدُ يُجَدُّ فِي الدَّارِ الْآخِرَةِ ، وَالْوَرْدُ يَنْطَوِي بِأَنْطَوَاءِ هَذِهِ
الدَّارِ ، وَأَوَّلَى مَا يُعْتَنَى بِهِ مَا لَا يَخْلُفُ وَجُودَهُ ، الْوَرْدُ هُوَ طَالِبُهُ مِنْكَ وَالْوَارِدُ أَنْتَ
تَطْلُبُهُ مِنْهُ ، وَأَيْنَ مَا هُوَ طَالِبُهُ مِنْكَ مِمَّا هُوَ مَطْلُبُكَ مِنْهُ ؟

Tiadalah yang menghinakan *al-wird* melainkan orang yang sangat jahil. *Al-wārid* (yakni kurniaan Allāh Ta'ālā hasil daripada kita mengekali *al-wird* di dunia) diperolehi di negeri akhirat, dan *al-wird* pula akan terputus dengan terputusnya negeri ini (yakni dunia).

Dan yang terlebih utama ialah engkau memberikan perhatian kepada apa yang tiada gantian bagi kewujudannya (yakni engkau perlu memberikan perhatian yang lebih kepada *al-wird*).

Al-wird adalah apa yang Dia tuntutan daripada dirimu (yakni apa yang Dia perintahkan kepadamu), dan *al-wārid* adalah apa yang engkau tuntutan daripadaNya (yakni apa yang engkau harapkan daripadaNya).

Maka di manakah [perbandingan di antara] apa yang Dia tuntutan daripadamu dengan apa yang engkau tuntutan daripadaNya?

(113)

وَرُودُ الْإِمْدَادِ بِحَسَبِ الْإِسْتِعْدَادِ ، وَشُرُوقُ الْأَنْوَارِ عَلَى حَسَبِ صَفَاءِ الْأَسْرَارِ .

Datangnya pertolongan-pertolongan rohani adalah menurut kesediaan [diri si penerima], dan terbitnya cahaya-cahaya rohani adalah menurut kesucian segala rahsia (*as-sirr* yakni batin kepada *ar-rūḥ* yang merupakan batin kepada *al-qalb* diri si penerima).

(114)

الْغَافِلُ إِذَا أَصْبَحَ يَنْظُرُ مَاذَا يَفْعَلُ ، وَالْعَاقِلُ يَنْظُرُ مَاذَا يَفْعَلُ اللَّهُ بِهِ .

Orang yang lalai itu apabila berpagi-pagi, dia akan melihat apakah yang akan dilakukannya.

Dan orang yang berakal pula, dia akan melihat apakah yang akan dilakukan oleh Allāh dengannya.

(115)

إِنَّمَا اسْتَوْحَشَ الْعِبَادُ وَالزُّهَادُ مِنْ كُلِّ شَيْءٍ لَغَيْبَتِهِمْ عَنِ اللَّهِ فِي كُلِّ شَيْءٍ ، فَلَوْ شَهِدُوهُ
فِي كُلِّ شَيْءٍ لَمْ يَسْتَوْحِشُوا مِنْ شَيْءٍ .

Sesungguhnya telah meliar (yakni telah mengasingkan diri-diri) *al-'ubbād* (orang-orang yang ahli ibadat) dan *as-zuhhād* (orang-orang yang mengamalkan kezuhudan) daripada tiap sesuatu kerana keghaiban mereka daripada (yakni ketidakupayaan mereka untuk menyaksikan) Allāh pada setiap sesuatu.

Andaikata mereka dapat menyaksikanNya pada setiap sesuatu, tiadalah mereka akan meliar (yakni mengasingkan diri-diri mereka) daripada setiap sesuatu.

(116)

أَمْرَكَ فِي هَذِهِ الدَّارِ بِالنَّظَرِ فِي مَكُونَاتِهِ وَسَيَكْشِفُ لَكَ فِي تِلْكَ الدَّارِ عَنْ كَمَالِ ذَاتِهِ .

Dia telah menyuruhmu memandang kepada ciptaanNya di negeri ini (yakni di dunia), dan kelak di negeri itu (yakni di akhirat) Dia akan menyingkapkan kepadamu kesempurnaan zatNya.

(117)

عَلِمَ مِنْكَ أَنَّكَ لَا تَصْبِرُ عَنْهُ فَأَشْهَدُكَ مَا بَرَزَ مِنْهُ .

Dia telah mengetahui daripadamu bahawa engkau tidak sabar daripadaNya (yakni kerana tidak dapat melihatNya atau kerana merasa terpisah daripadaNya), maka Dia telah menjadikan engkau menyaksikan [di dunia lagi] apa yang terzahir (atau yang nyata) daripadaNya.

(118)

لَمَّا عَلِمَ الْحَقُّ مِنْكَ وَجُودَ الْمَلَلِ لَوْنَ لَكَ الطَّاعَاتِ ، وَعَلِمَ مَا فِيكَ مِنْ وَجُودِ الشَّرِّ
فَحَجَرَهَا عَلَيْكَ فِي بَعْضِ الْأَوْقَاتِ لِيَكُونَ هَمُّكَ إِقَامَةَ الصَّلَاةِ لَا وَجُودَ الصَّلَاةِ ، فَمَا كُلُّ
مُصَلٍّ مُقِيمٍ .

Ketika al-Haqq (Yang Maha Benar) mengetahui daripadamu wujudnya rasa jemu [pada dirimu], Dia telah menjadikan ketaatan itu berjenis-jenis bagimu.

Dan ketika Dia mengetahui bahawa pada dirimu wujud sifat rakus (atau sifat lahap), Dia telah menghadkan ke atasmu [di dalam melakukan solat itu hanya] pada sesetengah waktu [yang tertentu sahaja], agar terjadilah cita-citamu di dalam mendirikan solat, bukan [hanya setakat] mewujudkan solat, kerana tiadalah setiap orang yang bersolat itu [telah benar-benar] mendirikanannya.

(119)

الصَّلَاةُ طَهْرَةٌ لِلْقُلُوبِ مِنْ أَذْنَانِ الذُّنُوبِ وَاسْتِفْتَاخُ لِبَابِ الْغُيُوبِ .

Sembahyang adalah satu penyucian bagi kalbu-kalbu daripada najis-najis *adh-dhunūb* (dosa-dosa) dan adalah satu pembukaan bagi pintu *al-ghuyūb* (perkara-perkara yang ghaib).

(120)

الصَّلَاةُ مَحَلُّ الْمُنَاجَاةِ وَمَعْدِنُ الْمُصَافَاةِ ، تَتَّسِعُ فِيهَا مَيَادِينُ الْأَسْرَارِ وَتُشْرِقُ فِيهَا شَوَارِقُ
الْأَنْوَارِ ، عِلْمٌ وَجُودُ الضَّعْفِ مِنْكَ فَقَلَّلَ أَعْدَادَهَا ، وَعِلْمٌ احْتِيَاجِكَ إِلَيَّ فَضْلُهُ فَكَثَّرَ
أَمْدَادَهَا .

Sembahyang adalah tempat bermunajat [kepada Allāh] dan tempat galian bagi penyucian rohani.

Di dalamnya terdapat perluasan bagi segala medan rahsia-rahsia, dan di dalamnya terdapat juga tempat bersinarnya cahaya-cahaya yang gemerlapan.

Dia (yakni Allāh) telah mengetahui tentang kelemahanmu, maka Dia telah menjadikan sedikit bilangannya (yakni bilangan sembahyang fardu di dalam sehari semalam), dan Dia telah mengetahui betapa engkau berhajat kepada kelebihanannya (yakni kelebihan mendirikan sembahyang), maka Dia telah menjadikan banyak nilainya (yakni nilai pahala bagi mendirikan sembahyang).

(121)

مَتَى طَلَبْتَ عَوْضًا عَنْ عَمَلٍ طَوَّلْتَ بِوُجُودِ الصِّدْقِ فِيهِ ، وَيَكْفِي الْمُرِيبَ وَجْدَانُ
السَّلَامَةِ .

Apabila engkau menuntut upah bagi sesuatu amal, akan dituntut pula daripadamu kewujudan *aş-şidq* (kejujuran yakni melakukan amal dengan benar-benar ikhlas) di dalamnya.

Cukuplah bagi *al-murīb* (orang yang tidak jujur itu) dengan wujudnya keselamatan (yakni cukuplah dia telah dikurniakan keselamatan daripada dikenakan sebarang hukuman sebagai balasan bagi amalnya yang tidak benar-benar ikhlas).

(122)

لَا تَطْلُبْ عَوْضًا عَلَى عَمَلٍ لَسْتُ لَهُ فَاعِلًا ، يَكْفِي مِنْ الْجَزَاءِ لَكَ عَلَى الْعَمَلِ أَنْ كَانَ لَهُ قَابِلًا .

Janganlah engkau menuntut upah di atas sesuatu amal [yang pada hakikatnya] bukan engkauulah pelaku baginya.

Sudah mencukupi bagimu sebagai ganjaran di atas amal itu bahawa Dia (yakni Allāh) telah menerimanya.

(123)

إِذَا أَرَادَ أَنْ يُظْهِرَ فَضْلَهُ عَلَيْكَ خَلَقَ وَنَسَبَ إِلَيْكَ .

Apabila Dia menghendaki untuk menzahirkan anugerahNya ke atasmu, Dia akan menciptakan [amal-amal yang baik pada dirimu] dan Dia menisbahkan [amal-amal yang baik itu pula] kepadamu.

(124)

لَا نِهَآيَةَ لِّمَدَامِكَ إِنِ ارْجَعَكَ إِلَيْكَ ، وَلَا تَفْرُغُ مَدَائِحُكَ إِنِ أَظْهَرَ جُودَهُ عَلَيْكَ .

Tiadalah kesudahan bagi kecelaanmu jika Dia memulangkanmu kepada dirimu sendiri.

Dan tiadalah kesudahan bagi kepujianmu jika Dia menzahirkan kemurahanNya ke atas dirimu.

(125)

كُنْ بِأَوْصَافِ رَبُّوبِيَّتِهِ مُتَعَلِّقًا وَبِأَوْصَافِ عِبُودِيَّتِكَ مُتَحَقِّقًا .

Jadikanlah sifat-sifat ketuhananNya tempat engkau bersandar,
dan realisasikanlah sifat-sifat kehambaanmu dengan sebenar.

(126)

مَنْعَكَ أَنْ تَدَّعِي مَا لَيْسَ مِمَّا لِلْمَخْلُوقِينَ ، أَفَيُبِيحُ لَكَ أَنْ تَدَّعِي وَصْفَهُ وَهُوَ رَبُّ
الْعَالَمِينَ ؟

Dia telah melarangmu daripada mendakwa apa yang bukan milikmu dari apa yang dimiliki segala makhluk, apakah Dia akan membenarkanmu mendakwa sifatNya padahal Dia adalah Tuhan Pengatur sekalian alam?

(127)

كَيْفَ تُخْرِقُ لَكَ الْعَوَائِدُ وَأَنْتَ لَمْ تَخْرِقْ مِنْ نَفْسِكَ الْعَوَائِدَ ؟

Bagaimanakah akan menjadi bagimu pencarikan adat jika engkau sendiri belum mencarikkan adat nafsumu (yakni engkau mengubahkannya dengan menanggalkan segala kejahatannya)?

(128)

مَا الشَّأْنُ وَجُودُ الطَّلَبِ ، إِنَّمَا الشَّأْنُ أَنْ تُرْزَقَ حُسْنَ الْأَدَبِ .

Urusan itu bukanlah pada kewujudan menuntut (yakni engkau berdoa/meminta sesuatu daripadaNya). Sesungguhnya, urusan itu ialah engkau direzekikan dengan kebaikan adab (yakni adabmu denganNya).

(129)

مَا طَلَبَ لَكَ شَيْءٌ مِّثْلُ الْإِضْطِرَارِ ، وَلَا أَسْرَعَ بِالْمَوَاهِبِ إِلَيْكَ مِثْلُ الذَّلَّةِ وَالْإِفْتِقَارِ .

Tiada sesuatu yang dapat menuntut (yakni berdoa/meminta daripada Allāh) bagi pihakmu seperti [situasi] keterdesakan.

Dan tiada yang lebih menyegerakan [ketibaan] pengurniaan-pengurniaan [daripada Allāh] kepadamu seperti [situasi di mana engkau merasakan] kehinaan dan *al-iftiqār* (keadaan fakir yakni merasakan sangat-sangat memerlukan kepadaNya).

(130)

لَوْ أَنَّكَ لَا تَصِلُ إِلَيْهِ إِلَّا بَعْدَ فَنَاءٍ مَسَاوِيكَ وَمَحْوِ دَعَاوِيكَ لَمْ تَصِلْ إِلَيْهِ أَبَدًا ، وَلَكِنْ إِذَا
أَرَادَ أَنْ يُوصَلَكَ إِلَيْهِ سَتَرَ وَصْفَكَ بِوَصْفِهِ وَغَطَّى نَعْتَكَ بِنَعْتِهِ ، فَوَصَلَكَ إِلَيْهِ بِمَا مِنْهُ
إِلَيْكَ لَا بِمَا مِنْكَ إِلَيْهِ .

Jika tiadalah engkau sampai kepadanya melainkan setelah fana sifat-sifatmu yang buruk dan terhapus pula segala dakwaanmu, maka tiadalah engkau akan sampai kepadanya untuk selamanya. Akan tetapi, apabila Dia menghendaki yang engkau sampai kepadanya, Dia akan menutupi sifatmu dengan sifatNya dan perilakumu dengan perilakuNya. Maka sampainya engkau kepadanya adalah [dengan sesuatu] daripadanya kepadamu, dan bukanlah [dengan sesuatu] daripadamu kepadanya.

(131)

لَوْ لَا جَمِيلُ سِتْرِهِ لَمْ يَكُنْ عَمَلٌ أَهْلًا لِلْقَبُولِ .

Jikalau tidaklah kerana keelokan/kebaikan tutupannya, tiada akan terjadi satu amal pun yang layak diterima.

(132)

أَنْتَ إِلَى حُلْمِهِ إِذَا أَطَعْتَهُ أَخْوَجُ مِنْكَ إِلَى حُلْمِهِ إِذَا عَصَيْتَهُ .

Keperluanmu kepada kesantunan/kesabaranNya ketika engkau berbuat taat kepadaNya, adalah melebihi keperluanmu kepada kesantunan/kesabaranNya ketika engkau berbuat maksiat kepadaNya.

(133)

السَّيْرُ عَلَى قِسْمَيْنِ : سَيْرٌ عَنِ الْمَعْصِيَةِ وَسَيْرٌ فِيهَا ، فَالْعَامَّةُ يُطْلَبُونَ مِنَ اللَّهِ تَعَالَى
السَّيْرَ فِيهَا خَشْيَةً سَقُوطَ مَرْتَبَتِهِمْ عِنْدَ الْخَلْقِ ، وَالْخَاصَّةُ يُطْلَبُونَ مِنَ اللَّهِ السَّيْرَ عَنْهَا
خَشْيَةً سَقُوطِهِمْ مِنْ نَظَرِ الْمَلِكِ الْحَقِّ .

Tutupan itu terbahagi kepada dua jenis: Satu tutupan adalah daripada maksiat dan satu tutupan lagi adalah di dalamnya.

Untuk orang-orang awam, mereka menuntut daripada Allāh Ta'ālā tutupan di dalamnya (yakni di dalam melakukan maksiat) kerana takut terjatuhnya kedudukan mereka di sisi segala makhluk.

Untuk orang-orang khas pula, mereka menuntut daripada Allāh Ta'ālā tutupan daripadanya (yakni daripada melakukan maksiat) kerana takut terjatuhnya kedudukan mereka pada pandangan Si Raja Yang Maha Benar (yakni Allāh Ta'ālā).

(134)

مَنْ أَكْرَمَكَ فَإِنَّمَا أَكْرَمَ فِيكَ جَمِيلَ سِرِّهِ ، فَالْحَمْدُ لِمَنْ سَرَّكَ ، لَيْسَ الْحَمْدُ لِمَنْ
أَكْرَمَكَ وَشَكَرَكَ .

Sesiapa yang memuliakanmu, sesungguhnya memuliakan apa yang berada pada dirimu dari keelokanutupanNya.

Maka puji-pujian itu adalah bagi Dia yang telah menutupimu, dan bukan bagi orang yang telah memuliakanmu dan berterima-kasih kepadamu.

(135)

مَا صَحَبَكَ إِلَّا مَنْ صَحَبَكَ وَهُوَ بِعَيْنِكَ عَلِيمٌ ، وَلَيْسَ ذَلِكَ إِلَّا مَوْلَاكَ الْكَرِيمُ ، خَيْرٌ مَنْ
تَصَحَّبُ مَنْ يَطْلُبُكَ لَكَ لَا لَشَيْءٍ يَعُودُ مِنْكَ إِلَيْهِ .

Tiadalah [benar dikatakan seseorang itu] bersahabat denganmu melainkan dia bersahabat denganmu sedangkan dia [sudah pun terlebih dahulu] mengetahui tentang keaiban dirimu. Dan tiadalah yang demikian itu melainkan Penaungmu Yang Maha Mulia (yakni Allāh Ta‘ālā).

Sebaik-baik orang untuk engkau buat sahabat ialah dia yang menuntutmu untuk dirimu sendiri dan bukan untuk sesuatu yang kembali daripada dirimu kepada dirinya.

(136)

لَوْ أَشْرَقَ لَكَ نُورُ الْيَقِينِ لَرَأَيْتَ الْآخِرَةَ أَقْرَبَ إِلَيْكَ مِنْ أَنْ تَرْحَلَ إِلَيْهَا ، وَلَرَأَيْتَ مَحَاسِنَ
الدُّنْيَا قَدْ ظَهَرَتْ كَسُفَةِ الْفَنَاءِ عَلَيْهَا .

Andaikata bersinarlah bagimu *nūr al-yaqīn* (cahaya keyakinan), engkau akan dapat melihat bahawa akhirat itu adalah lebih dekat kepadamu daripada engkau bertolak kepadanya (yakni ia terlalu dekat sehingga tiada perlu engkau pergi kepadanya), dan engkau juga akan dapat melihat bahawa bagi segala kecantikan dunia itu akan terzahir kepadamu gerhana kefanaan di atasnya.

(137)

مَا حَجَبَكَ عَنِ اللَّهِ وَجُودُ مُوجُودٍ مَعَهُ إِذْ لَا شَيْءَ مَعَهُ ، وَلَكِنْ حَجَبَكَ عَنْهُ تَوَهُّمُ مُوجُودٍ
مَعَهُ .

Tiadalah engkau dihidupkan daripada Allāh oleh kewujudan [sesuatu yang] maujud bersamaNya, kerana tiadalah sesuatu [yang maujud] bersamaNya. Yang menghidupkan engkau daripadanya ialah ilusimu mengenai [sesuatu yang] maujud bersamaNya.

(138)

لَوْلَا ظُهُورُهُ فِي الْمُكَوَّنَاتِ مَا وَقَعَ عَلَيْهَا وُجُودُ إِبْصَارٍ ، وَلَوْ ظَهَرَتْ صِفَاتُهُ اضْمَحَلَّتْ
مُكَوَّنَاتُهُ .

Jika tiadalah kerana penzahiranNya pada *al-mukawwanāt* (segala ciptaan yakni segala makhluk di alam semesta), tiadalah akan jatuh ke atas mereka wujud penglihatan (yakni tiadalah mereka akan dapat dilihat oleh sebarang penglihatan mata kepala).

Dan jika terzhirlah sifat-sifatNya (yakni menjadi nyata dan jelas pada pandangan mata hati), akan lenyaplah segala ciptaanNya [daripada pandangan si penyaksi].

(139)

أَظْهَرَ كُلَّ شَيْءٍ لِّأَنَّهُ الْبَاطِنُ ، وَطَوَى وُجُودَ كُلِّ شَيْءٍ لِّأَنَّهُ الظَّاهِرُ .

Dia telah menzahirkan (yakni menjadikan nyata) setiap sesuatu kerana Dia adalah Maha Batin, dan Dia telah melipatkan kewujudan setiap sesuatu kerana Dia adalah Maha Zahir.

(140)

أَبَاحَ لَكَ أَنْ تَنْظُرَ مَا فِي الْمُكَوَّنَاتِ وَمَا أَذِنَ لَكَ أَنْ تَقِفَ مَعَ ذَوَاتِ الْمُكَوَّنَاتِ ، ﴿قُلْ
انْظُرُوا مَاذَا فِي السَّمَوَاتِ﴾ فَتَحَ لَكَ بَابَ الْإِفْهَامِ وَلَمْ يَقُلْ : انْظُرُوا السَّمَوَاتِ ، لَوْلَا
يَذُكُّكَ عَلَى وُجُودِ الْأَجْرَامِ .

Dia telah membenarkan engkau memandang kepada apa yang berada di dalam *al-mukawwanāt* (segala ciptaan yakni segala makhluk di alam semesta), tetapi tiada Dia memberikan izin kepadamu untuk berhenti [di tahap setakat memandang] kepada zat-zat *al-mukawwanāt*.

“Katakanlah: Pandanglah engkau sekalian kepada apa yang berada di segala langit.” [Mafhum Sūrah Yūnus ayat 101.] Semoga Dia membukakan untukmu pintu kefahaman [dengan ayat al-Quran ini]. Dan tiadalah Dia mengatakan “Pandanglah engkau sekalian kepada segala langit”, agar tiadalah Dia menunjukkan kepadamu [hanya setakat] di atas kewujudan jirim-jirim (benda-benda fizikal) itu sahaja.

(141)

الْأَكْوَانُ ثَابِتٌ بِإِثْبَاتِهِ مُمَحْوَةٌ بِأَحْدِثِهِ ذَاتُهُ .

Al-akwān (segala alam semesta) menjadi tetap hanya dengan penetapanNya, dan menjadi terhapus dengan [penzahiran] keesaan zatNya.

(142)

النَّاسُ يَمْدَحُونَكَ لِمَا يَظُنُّونَهُ فِيكَ ، فَكُنْ أَنْتَ دَائِمًا لِنَفْسِكَ لِمَا تَعْلَمُهُ مِنْهَا .

Manusia-manusia lain memujimu kerana apa yang mereka sangka terdapat pada dirimu. Maka jadilah engkau pula mengeji nafsumu pada apa yang memang engkau ketahui mengenainya.

(143)

الْمُؤْمِنُ إِذَا مُدِحَ اسْتَحْيَا مِنَ اللَّهِ أَنْ يُثْنَى عَلَيْهِ بِوَصْفٍ لَا يَشْهَدُهُ مِنْ نَفْسِهِ .

Orang yang beriman itu, apabila dia dipuji, akan merasa malu kepada Allāh, kerana dia telah dipuji dengan satu sifat yang tiada dia saksikan pada dirinya.

(144)

أَجْهَلُ النَّاسِ مَنْ تَرَكَ يَقِينَ مَا عِنْدَهُ لظَنِّ مَا عِنْدَ النَّاسِ .

Orang yang paling jahil ialah dia yang meninggalkan keyakinan pada sisinya [mengenai segala keburukan dan keaiban diri sendiri] kerana [terpengaruh dengan] persangkaan [baik mengenai dirinya] pada sisi orang-orang lain.

(145)

إِذَا أَطْلَقَ الثَّنَاءَ عَلَيْكَ وَلَسْتَ بِأَهْلٍ فَاتَّنِ عَلَيْهِ بِمَا هُوَ أَهْلُهُ .

Jika [ada manusia] menyebut pujian ke atasmu sedangkan engkau [sebenarnya] tidak layak untuknya, maka engkau berikanlah pula pujian ke atasNya sebagaimana Dia memang layak untuknya.

(146)

الزُّهَادُ إِذَا مَدَحُوا انْقَبَضُوا لِشُهُودِهِمُ الشَّاءَ مِنَ الْخَلْقِ ، وَالْعَارِفُونَ إِذَا مَدَحُوا انْبَسَطُوا
لِشُهُودِهِمْ ذَلِكَ مِنَ الْمَلِكِ الْحَقِّ .

Ahli-ahli kezuhudan akan merasakan kesempitan rohani (yakni mereka akan merasa kecut hati) apabila mereka dipuji kerana mereka menyaksikan bahawa pujian itu berasal daripada makhluk sahaja, sedangkan ahli-ahli *al-ma'rifah* pula akan merasakan keluasan rohani (yakni mereka akan bersuka hati) kerana mereka menyaksikan bahawa perkara itu (yakni pujian itu) berasal daripada Si Raja Yang Maha Benar (yakni Allāh).

(147)

مَتَى كُنْتَ إِذَا أُعْطِيتَ بَسْطَكَ الْعَطَاءُ ، وَإِذَا مُنِعْتَ قَبَضَكَ الْمَنْعُ ، فَاسْتَدِلَّ بِذَلِكَ عَلَى
ثُبُوتِ طُفُولِيَّتِكَ ، وَعَدَمِ صِدْقِكَ فِي عُبُودِيَّتِكَ .

Jika ketika engkau dikurniakan, pengurniaan itu menjadikan engkau merasakan keluasan (yakni engkau bergembira di atasnya), dan ketika engkau ditahan, penahanan itu pula menjadikan engkau merasakan kesempitan (yakni engkau berdukacita di atasnya), maka anggaplah perkara itu sebagai dalil di atas sifat kebudak-budakanmu (yakni sifat ketidakdewasaanmu) yang masih tetap ada, dan di atas ketidakjujuranmu di dalam *'ubūdiyyah*-mu (kehambaanmu).

(148)

إِذَا وَقَعَ مِنْكَ ذَنْبٌ فَلَا يَكُنْ سَبَبًا لِيَأْسِكَ مِنْ حُصُولِ الْإِسْتِقَامَةِ مَعَ رَبِّكَ ، فَقَدْ يَكُونُ
ذَلِكَ آخِرَ ذَنْبٍ قُدِّرَ عَلَيْكَ .

Jika terjatuh daripadamu satu dosa, janganlah ia dijadikan sebab bagi engkau untuk berputus asa daripada [terus berusaha untuk] mencapai *al-istiqāmah* bersama Tuhanmu. Mungkin sahaja, perkara itu adalah dosa terakhir yang ditakdirkan ke atasmu.

(149)

إِذَا أَرَدْتَ أَنْ يَفْتَحَ لَكَ بَابُ الرَّجَاءِ فَاشْهَدْ مَا مِنْهُ إِلَيْكَ ، وَإِذَا أَرَدْتَ أَنْ يَفْتَحَ لَكَ بَابُ الْخَوْفِ فَاشْهَدْ مَا مِنْكَ إِلَيْهِ .

Apabila engkau inginkan pintu *ar-rajā'* (harapan) terbuka untukmu, saksikanlah apa yang daripadanya kepadamu (yakni pada segala anugerahNya dan segala rahmatNya, yang telah datang kepadamu tanpa sebarang sebab daripadamu).

Dan apabila engkau inginkan pintu *al-khauf* (ketakutan) terbuka untukmu, saksikanlah apa yang daripadamu kepadaNya (yakni pada segala dosa, perbuatan keji, kealpaan dan buruk adab yang telah datang daripadamu kepadaNya).

(150)

رُبَّمَا أَفَادَكَ فِي لَيْلِ الْقَبْضِ مَا لَمْ تَسْتَقِدْهُ فِي إِشْرَاقِ نَهَارِ الْبَسْطِ ❁ لَا تَذُرُونَ أَيُّهُمْ
أَقْرَبُ لَكُمْ نَفْعًا ❁ .

Mungkin sahaja Dia akan menambahkan kepadamu pada [kegelapan] malam hari *al-qabḍ* (kesempitan rohani) apa yang tiada engkau perolehi pada penyinaran [terang benderang] siang hari *al-basṭ* (keluasan rohani).

“Tiadalah engkau sekalian mengetahui perkara mana yang lebih dekat bagi engkau sekalian manfaatnya.” [Mafhum Sūrah an-Nisā’ ayat 11.]

(151)

مَطَالِعُ الْأَنْوَارِ الْقُلُوبِ وَالْأَسْرَارِ .

Tempat terbitnya cahaya-cahaya [rohani] adalah di kalbu-kalbu dan di *al-asrār* (rahsia-rahsia).

(152)

نُورٌ مُسْتَوْدَعٌ فِي الْقُلُوبِ مَدَدُهُ مِنَ النُّورِ الْوَارِدِ مِنْ خَزَائِنِ الْغُيُوبِ .

Ada satu cahaya rohani (yakni *nūr al-'aql*) terletak di dalam kalbu-kalbu, [yang mana] bantuannya datang dari cahaya rohani (yakni *nūr as-sirr*) yang datang [terus yakni secara langsung] dari perbendaharaan-perbendaharaan ghaib.

(153)

نُورٌ يَكْشِفُ لَكَ بِهِ عَنْ آثَارِهِ لَكَ ، وَنُورٌ يَكْشِفُ لَكَ بِهِ عَنْ أَوْصَافِهِ .

Ada satu cahaya dengannya Dia menyingkapkan kepadamu *āthār*-Nya (kesan-kesanNya, yakni segala makhluk ciptaan Allāh), dan ada satu cahaya dengannya Dia menyingkapkan kepadamu sifat-sifatNya.

(154)

رُبَّمَا وَقَّتِ الْقُلُوبُ مَعَ الْأَنْوَارِ كَمَا حُجِبَتِ النَّفُوسُ بِكَثَائِفِ الْأَغْيَارِ .

Ada kemungkinan akan menjadi terhenti kalbu-kalbu dengan cahaya-cahaya, sebagaimana telah menjadi terhibab nafsu-nafsu dengan ketebalan *al-aghyār* (yang selain daripadaNya yakni segala makhluk Allāh).

(155)

سَرَّ أَنْوَارَ السَّرَائِرِ بِكَثَائِفِ الظَّوَاهِرِ إِجْلَالًا لَهَا أَنْ تُبْذَلَ بِوُجُودِ الْإِظْهَارِ وَأَنْ يُنَادَى عَلَيْهَا
بِلِسَانِ الْإِشْتِهَارِ .

Dia telah menutupi rahsia-rahsia batin (yakni ilmu-ilmu yang berbentuk *ladunniyyah* dan pengenalan-pengenalan yang berbentuk *rabbāniyyah*, atau boleh juga dikatakan kebebasan batin) dengan ketebalan perkara-perkara yang zahir (yakni sifat-sifat manusia yang zahir, atau boleh juga dikatakan kehambaan yang zahir) demi kemuliaannya, agar jangan terjadi terhina ia apabila berlaku penzahirannya, dan agar jangan diseru ke atasnya dengan kata-kata pemasyhuran (yakni agar si penutur tidak dituduh ingin mencari kemasyhuran).

(156)

سُبْحَانَ مَنْ لَمْ يَجْعَلِ الدَّلِيلَ عَلَى أَوْلِيَّائِهِ إِلَّا مَنْ حَيْثُ الدَّلِيلُ عَلَيْهِ ، وَلَمْ يُوصِلْ إِلَيْهِمْ إِلَّا
مَنْ أَرَادَ أَنْ يُوصِلَهُ إِلَيْهِ .

Maha Suci Dia yang tidak menunjukkan (yakni tidak Dia memperkenalkan seorang manusia) kepada para waliNya melainkan sebagai satu penunjuk kepada diriNya.

Dan tiada Dia menyampaikan kepada mereka melainkan orang yang telah pun Dia kehendaki akan sampai kepadaNya.

(157)

رُبَّمَا أَطَّلَعَكَ عَلَى غَيْبِ مَلَكُوتِهِ وَحَجَبَ عَنْكَ الْإِسْتِشْرَافَ عَلَى أَسْرَارِ الْعِبَادِ .

Mungkin sahaja Dia memperlihatkan kepadamu perkara-perkara ghaib dari alam *malakūt*-Nya, namun Dia menghijabkan pula dirimu daripada mengetahui rahsia-rahsia para hamba (yakni manusia-manusia lain).

(158)

مَنْ أَطَّلَعَ عَلَى أَسْرَارِ الْعِبَادِ وَلَمْ يَتَخَلَّقْ بِالرَّحْمَةِ الْإِلَهِيَّةِ ، كَانَ أَطْلَاعُهُ فِتْنَةً عَلَيْهِ وَسَبَبًا
لِجَرِّ الْوَبَالِ إِلَيْهِ .

Sesiapa yang telah Dia perlihatkan rahsia-rahsia para hamba dan tiada pula dia berakhlak dengan belas kasihan keilahian (yakni kerana dia belum lagi mencapai stesyen *at-tamkīn* di dalam *asy-syuhūd* dan belum berupaya untuk berakhlak dengan akhlak-akhlak kerahmatan Si Raja Yang Disembah), maka pengetahuan itu akan menjadi satu fitnah ke atasnya dan juga satu sebab bagi penghalaan bala ke arahnya.

(159)

حَظُّ النَّفْسِ فِي الْمَعْصِيَةِ ظَاهِرٌ جَلِيٌّ وَحَظُّهَا فِي الطَّاعَةِ بَاطِنٌ خَفِيٌّ ، وَمُدَاوَاةُ مَا يَخْفَى
صَعْبٌ عِلَاجُهُ .

Bahagian nafsu di dalam kemaksiatan adalah nyata dan jelas, sedangkan bahagiannya di dalam ketaatan pula [seperti mencari pencarikan adat dan mencari kedudukan di sisi manusia] tiadalah jelas dan adalah tersembunyi. Dan untuk menyembuhkan sesuatu yang tersembunyi itu adalah sangat sukar pengubatannya.

(160)

رُبَّمَا دَخَلَ الرِّيَاءُ عَلَيْكَ مِنْ حَيْثُ لَا يَنْظُرُ الْخَلْقُ إِلَيْكَ .

Kadangkala, riyak memasuki ke atasmu dari arah di mana para makhluk (yakni orang-orang lain) pun tidak melihatnya pada dirimu (yakni kerana riyak itu adalah tersangat halus dan tersembunyi keadaannya).

(161)

اسْتَشْرَافُكَ أَنَّ يَعْلَمَ الْخَلْقُ بِخُصُوصِيَّتِكَ ، دَلِيلٌ عَلَى عَدَمِ صِدْقِكَ فِي عِبُودِيَّتِكَ .

Keinginanmu agar para makhluk (yakni manusia-manusia lain) mengetahui tentang kekhususanmu (yakni keistimewaanmu di dalam berilmu dan beramal dengan perkara-perkara seperti kezuhudan dan penyerahan diri (*taslīm*), atau juga penerimaan kurniaan-kurniaan rohani seperti *al-karāmah* dan *al-mukāsyafah*) adalah satu dalil di atas ketidakjujuranmu di dalam ‘*ubūdiyyah*-mu (kehambaanmu).

(162)

غَيْبُ نَظَرِ الْخَلْقِ إِلَيْكَ بِنَظَرِ اللَّهِ إِلَيْكَ ، وَغَيْبُ عَنْ إِقْبَالِهِمْ عَلَيْكَ بِشُهُودِ إِقْبَالِهِ عَلَيْكَ .

Ghaibkanlah (yakni jadikanlah ia sesuatu yang tidak penting seolah-olah seperti habuk yang berterbangan di udara) pandangan para makhluk ke atasmu dengan [menyaksikan dengan pentakziman dan pengagungan kepada] pandangan Allāh ke atasmu.

Dan jadikanlah dirimu ghaib dari pendekatan mereka ke atasmu dengan menyaksikan pendekatanNya ke atasmu.

(163)

مَنْ عَرَفَ الْحَقَّ شَهِدَهُ فِي كُلِّ شَيْءٍ ، وَمَنْ فَنِيَ بِهِ غَابَ عَنْ كُلِّ شَيْءٍ ، وَمَنْ أَحَبَّهُ لَمْ
يُؤْثِرْ عَلَيْهِ شَيْئًا .

Sesiapa yang telah mengenali Yang Maha Benar (yakni Allāh Ta'ālā), akan menyaksikanNya pada setiap sesuatu.

Dan sesiapa yang telah fana denganNya, akan ghaiblah dia daripada setiap sesuatu.

Dan sesiapa yang telah mencintaiNya, tiadalah dia akan mengutamakan sesuatu pun ke atasNya.

(164)

إِنَّمَا حَجَبَ الْحَقُّ عَنْكَ شِدَّةَ قُرْبِهِ مِنْكَ .

Sesungguhnya yang menghijabkan Yang Maha Benar (yakni Allāh Ta'ālā) daripadamu (yakni sebab yang menyebabkan dirimu tidak dapat menyaksikan Yang Maha Benar) ialah ketersangatan hampirNya denganmu.

(165)

إِنَّمَا احْتَجَبَ لَشِدَّةِ ظُهُورِهِ ، وَخَفِيَ عَنِ الْأَبْصَارِ لِعَظَمِ نُورِهِ .

Sesungguhnya Dia telah menjadi [seolah-olah] terhibab kerana ketersangatan penzahiranNya, dan telah menjadi tersembunyi daripada segala penglihatan kerana keagungan cahayaNya.

(166)

لَا يَكُنْ طَلْبُكَ تَسَبُّبًا إِلَى الْعَطَاءِ مِنْهُ ، فَيَقِلَّ فَهْمُكَ عَنْهُ وَلِيَكُنْ طَلْبُكَ لِإِظْهَارِ الْعُبُودِيَّةِ
وَقِيَامًا بِحُقُوقِ الرُّبُوبِيَّةِ .

Janganlah dijadikan [doa-doa] permintaanmu itu sebagai sebab [hanya setakat] untuk [menerima] pengurniaan daripada diriNya, maka sangatlah sedikit kefahamanmu mengenai diriNya [sebagaimana yang dilakukan oleh mereka di tahap *al-bidāyah* yakni permulaan].

Tetapi, jadikanlah permintaanmu itu sebagai menzahirkan kehambaan [bagi dirimu] dan juga mendirikan hak-hak ketuhanan [bagi diriNya, sebagaimana yang dilakukan oleh mereka di tahap *an-nihāyah* yakni penamat].

(167)

كَيْفَ يَكُونُ طَلْبُكَ الْأَحَقَّ سَبَبًا فِي عَطَائِهِ السَّابِقِ ؟

Bagaimanakah boleh permintaanmu yang baharu datang itu menjadi pula sebab untuk pengurniaanNya yang terdahulu (yakni ia sebenarnya sudah pun ditentukan sejak azali lagi, sebagaimana yang terkandung di dalam pengetahuanNya yang *qadīm*, sebelum segala makhluk dan kejadian menjadi terzahir di alam raya ini)?

(168)

جَلَّ حُكْمُ الْأَزَلِ أَنْ يَنْضَافَ إِلَى الْعِلَلِ .

Hukum (yakni ketentuan) azali itu adalah terlalu agung untuk dinisbahkan kepada sebarang sebab [yang bersifat baharu].

(169)

عَنَائَتُهُ فَيْكَ لَا لِشَيْءٍ مِنْكَ ، وَأَيْنَ كُنْتَ حِينَ وَاجِهَتَكَ عَنَائَتُهُ وَقَابَلَتْكَ رِعَائَتُهُ ؟ لَمْ
يَكُنْ فِي أَرْلِهِ إِخْلَاصُ أَعْمَالٍ وَلَا وُجُودُ أَحْوَالٍ ، بَلْ لَمْ يَكُنْ هُنَاكَ إِلَّا مَهْضُ الْإِفْضَالِ
وَعَظِيمُ النَّوَالِ .

PemerhatianNya kepada dirimu bukanlah kerana sesuatu [yang berasal] daripada dirimu.

Dimanakah engkau ketika pemerhatianNya berhadapan denganmu, dan ketika pemeliharaanNya berhadapan denganmu (yakni ketika Dia menentukan segala perkara pada azali lagi)?

Tiadalah (yakni belum lagi) berlaku pada azaliNya keikhlasan bagi segala amal, dan tiadalah wujud segala *ḥāl* (keadaan rohani), bahkan tiadalah di sana melainkan pemberianNya yang murni (yakni hanya pemberianNya jua semata-mata tanpa sebarang sebab yang berpunca daripada perbuatan atau amalan mana-mana makhluk) dan juga penganugerahanNya yang agung.

(170)

عَلِمَ أَنَّ الْعِبَادَ يَتَشَوَّفُونَ إِلَى ظُهُورِ سِرِّ الْعِنَايَةِ فَقَالَ ﴿يَخْتَصُّ بِرَحْمَتِهِ مَنْ يَشَاءُ﴾ وَعَلِمَ
أَنَّهُ لَوْ خَلَّاهُمْ وَذَلِكَ لَتَرَكُوا الْعَمَلَ اعْتِمَادًا عَلَى الْأَزْلِ فَقَالَ ﴿إِنَّ رَحْمَةَ اللَّهِ قَرِيبٌ مِنَ
الْمُحْسِنِينَ﴾ .

Dia telah mengetahui bahawa segala hamba (yakni manusia) akan berhasrat kepada penzahiran rahsia bagi pemerhatian itu (*al-ināyah*), maka Dia telah berfirman [Sūrah Al-Baqarah ayat 105 yang bermafhum], “Dia mengkhaskan rahmatNya kepada sesiapa yang Dia kehendaki”.

Dan Dia telah mengetahui bahawa jika Dia tinggalkan mereka pada perkara itu, mereka akan meninggalkan beramal kerana [ingin] bergantung [hanya] kepada [apa yang telah ditentukan pada] azali, maka Dia telah berfirman [Sūrah Al-A‘rāf ayat 56 yang bermafhum], “Sesungguhnya rahmat Allāh itu adalah dekat kepada orang-orang yang melakukan kebaikan.”

(171)

إِلَى الْمَشِيَّةِ يَسْتَدُّ كُلُّ شَيْءٍ ، وَلَا تَسْتَدُّ هِيَ إِلَى شَيْءٍ .

Kepada kehendakNya jua bersandar setiap sesuatu, dan tiadalah ia (yakni kehendakNya) bersandar kepada sesuatu.

(172)

رُبَّمَا دَلَّهِمُ الْأَدَبُ عَلَى تَرْكِ الطَّلَبِ ، اِعْتِمَادًا عَلَى قِسْمَتِهِ ، وَاشْتِغَالًا بِذِكْرِهِ عَنْ
مَسْأَلَتِهِ .

Kadangkala, adab itu menunjuki mereka (yakni *al-‘ārifūn*) kepada meninggalkan daripada menuntut (yakni berdoa) kerana berserah diri kepada pembahagianNya, dan [kerana terlalu] sibuk di dalam mengingatiNya [sehingga ia menahan mereka] daripada meminta kepadaNya.

(173)

إِنَّمَا يُذَكِّرُ مَنْ يَجُوزُ عَلَيْهِ الْإِغْفَالُ وَإِنَّمَا يُنَبِّهُ مَنْ يُمَكِّنُ مِنْهُ الْإِهْمَالُ .

Sesungguhnya, yang diberikan peringatan itu ialah orang yang masih boleh berlaku kelalaian (atau keterlupaan) ke atas dirinya, dan sesungguhnya yang diberikan teguran itu ialah orang yang masih boleh berlaku kecuaian (atau pengabaian) ke atas dirinya.

(174)

وُرُودُ الْفَاقَاتِ أَعْيَادُ الْمُرِيدِينَ .

Tibanya [hari-hari yang mengandung saat-saat] keterdesakan
adalah [seumpama tibanya] hari-hari raya bagi para murid.

(175)

رُبَّمَا وَجَدْتَ مِنَ الْمَزِيدِ فِي الْفَاقَاتِ مَا لَا تَجِدُهُ فِي الصَّوْمِ وَالصَّلَاةِ .

Kadangkala, engkau akan memperoleh penambahan [rohani] di dalam [saat-saat] keterdesakan yang tiada dapat engkau perolehi di dalam berpuasa dan bersembahyang.

الْفَاقَاتُ بِسُطِّ الْمَوَاهِبِ .

[Saat-saat] keterdesakan [adalah seumpama] hamparan-hamparan permaidani [yang mengandung di atasnya hidangan] pengurniaan-pengurniaan rohani.

(177)

إِنْ أَرَدْتَ وُرُودَ الْمَوَاهِبِ عَلَيْكَ ، صَحِّحِ الْفَقْرَ وَالْفَاقَةَ لَدَيْكَ ﴿ إِنَّمَا الصَّدَقَاتُ
لِلْفُقَرَاءِ ﴾ .

Jika engkau mahukan datangnya pengurniaan-pengurniaan rohani ke atas dirimu, sahkanlah rasa kefakiran (yakni merasakan sangat-sangat memerlukan kepada Allāh Tuhan Pengatur sekalian alam) dan rasa keterdesakan di sisimu.

“Sesungguhnya, sedekah-sedekah itu adalah untuk orang-orang yang fakir.” (Mafhum dari Sūrah at-Taubah ayat 60.)

(178)

تَحَقَّقْ بِأَوْصَافِكَ يُمِدُّكَ بِأَوْصَافِهِ ، تَحَقَّقْ بِذَلِكَ يُمِدُّكَ بِعِزَّتِهِ . تَحَقَّقْ بِعَجْزِكَ يُمِدُّكَ
بِقُدْرَتِهِ ، تَحَقَّقْ بِضَعْفِكَ يُمِدُّكَ بِحَوْلِهِ وَقُوَّتِهِ .

Realisasikanlah sifat-sifat [kehambaan] dirimu, [nescaya] Dia akan membantumu dengan sifat-sifat [Tuhan Pengatur Sekelian Alam, Zat yang memiliki Kebesaran dan Kemuliaan] diriNya.

Realisasikanlah kerendahan dirimu (yakni kehinaan dirimu), [nescaya] Dia akan membantu dirimu dengan ketinggianNya (yakni kemuliaanNya).

Realisasikanlah kekurangan dirimu (yakni ketiadaupayaan pada dirimu), [nescaya] Dia akan membantu dirimu dengan kekuasaanNya.

Realisasikanlah kelemahan dirimu, [nescaya] Dia akan membantu dirimu dengan keupayaanNya dan kekuatanNya.

(179)

رُبَّمَا رُزِقَ الْكَرَامَةُ مَنْ لَمْ تَكْمُلْ لَهُ الْإِسْتِقَامَةُ .

Kadangkala, diberikan *al-karāmah* (kemuliaan yakni berlaku perkara-perkara yang mencarikkan adat) kepada seseorang yang belum lagi sempurna *al-istiḳāmah* (konsistensi di dalam beribadat) pada dirinya.

(180)

مِنْ عِلَامَاتِ إِقَامَةِ الْحَقِّ لَكَ فِي الشَّيْءِ إِدَامَتُهُ إِيَّاكَ فِيهِ مَعَ حُصُولِ النَّتَائِجِ .

[Sesetengah] daripada tanda-tanda Yang Maha Benar telah menetapkan bagimu pada sesuatu [urusan rohani] ialah Dia mengekalkan engkau di dalamnya, serta mencapai engkau buah-buah [hasil urusan rohani itu].

(181)

مَنْ عَيَّرَ مِنْ بَسَاطِ إِحْسَانِهِ أَصَمَّتْهُ الْإِسَاءَةُ ، وَمَنْ عَيَّرَ مِنْ بَسَاطِ إِحْسَانِ اللَّهِ إِلَيْهِ لَمْ
يَصْمُتْ إِذَا أَسَاءَ .

Sesiapa yang memberikan ibarat daripada hamparan (yakni berdasarkan) kebaikan dirinya, akan dijadikan senyap (atau kelu) oleh kemaksiatan.

Dan sesiapa yang memberikan ibarat daripada hamparan (yakni berdasarkan) kebaikan Allāh ke atas dirinya pula, tiadalah akan menjadi senyap (atau kelu) ketika dia bermaksiat.

(182)

تَسْبِقُ أَنْوَارُ الْحُكَمَاءِ أَقْوَالَهُمْ ، فَحَيْثُ صَارَ التَّنْوِيرُ وَصَلَ التَّغْيِيرُ .

Cahaya-cahaya rohani *al-ḥukamā’* (ahli-ahli hikmah yakni orang-orang yang *‘ārif billāh*) mendahului kata-kata mereka.

Maka apabila telah berlaku iluminasi (yakni cahaya-cahaya rohani itu telah bersinar terang), akan sampailah ibarat itu.

(183)

كُلُّ كَلَامٍ يَبْرُزُ وَعَلَيْهِ كِسْوَةُ الْقَلْبِ الَّذِي مِنْهُ بَرَزَ.

Setiap perkataan yang muncul keluar, ada selubung/pakaian kalbu baginya, dari mana ia telah muncul keluar.

(184)

مَنْ أُذِنَ لَهُ فِي التَّغْيِيرِ فَهُمَّتْ فِي مَسَامِعِ الْخَلْقِ عِبَارَتُهُ وَجَلَّتْ إِلَيْهِمْ إِشَارَتُهُ .

Sesiapa yang telah diberikan keizinan [oleh Allāh Yang Maha Benar] untuk memberikan ibarat, ibaratnya itu akan dapat difahami oleh segala makhluk (yakni orang-orang lain) yang mendengarnya, dan isyaratnya pula akan menjadi jelas kepada mereka.

(185)

رُبَّمَا بَرَزَتِ الْحَقَائِقُ مَكْسُوفَةً الْأَنْوَارِ إِذَا لَمْ يُؤْذَنْ لَكَ فِيهَا بِإِظْهَارٍ .

Kadangkala, *al-ḥaqā'iq* (hakikat-hakikat itu) akan ternampak gerhana (yakni suram) cahaya-cahayanya apabila tiada engkau diberikan izin [oleh Yang Maha Benar] untuk menyatakannya.

(186)

عِبَارَاتُهُمْ إِمَّا لِفَيْضَانِ وَجَدٍ أَوْ لِقَصْدِ هِدَايَةِ مُرِيدٍ ، فَالْأَوَّلُ حَالُ السَّالِكِينَ وَالثَّانِي حَالُ
أَرْبَابِ الْمَكْنَةِ وَالْمُحَقِّقِينَ .

Kata-kata ibarat daripada mereka adalah sama ada kerana limpahan *wajd* (satu keadaan rohani yang datang secara meluap-luap dengan tiba-tiba dan adalah sesuatu yang tiada dapat dikawal) atau kerana bermaksud untuk memberi petunjuk kepada si murid.

Maka yang pertama adalah keadaan *as-sālikīn* (orang-orang yang masih berada di atas perjalanan rohani dan belum sampai ke maqam *al-wuṣūl*/yakni ketibaan) dan yang kedua adalah keadaan mereka yang memiliki kedudukan (*al-makinah* atau *at-tamakkun* yakni telah mendapat pengukuhan rohani) dan [juga adalah keadaan golongan] *al-muḥaqqiqīn* (mereka yang telah mencapai realisasi kerohanian).

(187)

الْعِبَارَاتُ قُوَّةٌ لِعَائِلَةِ الْمُسْتَمْعِينَ ، وَلَيْسَ لَكَ إِلَّا مَا أَنْتَ لَهُ آكِلٌ .

Kata-kata ibarat itu adalah makanan [rohani] bagi keperluan para pendengar, dan tiadalah [sebarang manfaat kerohanian] bagimu melainkan apa yang engkau makan darinya.

(188)

رُبَّمَا عَبَّرَ عَنِ الْمَقَامِ مَنْ اسْتَشْرَفَ عَلَيْهِ ، وَرُبَّمَا عَبَّرَ عَنْهُ مَنْ وَصَلَ إِلَيْهِ ، وَذَلِكَ
مُتَّبِسٌ إِلَّا عَلَى صَاحِبِ بَصِيرَةٍ .

Kadangkala, orang yang telah memberikan kata-kata ibarat mengenai sesebuah maqam itu ialah orang yang telah melihat (atau mengintai) ke atasnya sahaja (yakni dia baru mendekati maqam itu dan belum lagi benar-benar sampai dan merealisasikannya).

Dan kadangkala pula, orang yang telah memberikan kata-kata ibarat mengenainya itu ialah orang yang [benar-benar] telah sampai kepadanya.

Dan perkara ini adalah samar (atau kabur yakni tiada nyata) melainkan bagi orang yang memiliki *baṣīrah* (penglihatan mata hati).

(189)

لَا يَنْبَغِي لِلسَّالِكِ أَنْ يُعْبِرَ عَنْ وَارِدَاتِهِ ، فَإِنَّ ذَلِكَ يُقَلِّ عَمَلَهَا فِي قَلْبِهِ وَيَمْنَعُهُ وَجُودَ
الصِّدْقِ مَعَ رَبِّهِ .

Tiada dapat tiada (yakni adalah dilarang) bagi *as-sālik* (si pengembara rohani yakni orang yang masih belum mencapai *al-wuṣūl*/yakni maqam ketibaan) untuk memberikan kata-kata ibarat tentang *wāridāt*-nya (curahan-curahan rohani yang telah turun daripada Tuhan), kerana perkara itu akan mengurangkan aktivitiinya (yakni pengaruh curahan-curahan rohani itu) ke atas kalbunya dan ia akan menegah wujudnya kejujuran bersama Tuhannya.

(190)

لَا تَمُدَّنْ يَدَكَ إِلَى الْأَخْذِ مِنَ الْخَلْقِ إِلَّا أَنْ تَرَى أَنَّ الْمُعْطِيَ فِيهِمْ مَوْلَاكَ ، فَإِذَا كُنْتَ
كَذَلِكَ فَخُذْ مَا وَافَقَ الْعِلْمُ .

Janganlah engkau menghulurkan tanganmu untuk mengambil sesuatu daripada para makhluk, melainkan setelah engkau melihat bahawa Si Pemberi melalui mereka (yakni pada hakikatnya) adalah Penaungmu jua (yakni Allāh Ta‘ālā).

Maka apabila engkau sudah pun berkeadaan yang sedemikian, terimalah apa yang bermuafakatan (yakni yang bersesuaian) dengan ilmu (yakni pengetahuan zahir mengikut syarak yang engkau miliki).

(191)

رُبَّمَا اسْتَحْيَا الْعَارِفُ أَنْ يَرْفَعَ حَاجَتَهُ إِلَى مُوَلَّاهَ لَاكْتِفَاءً بِمَشِيئَتِهِ ، فَكَيْفَ لَا يَسْتَحْيِي أَنْ
يَرْفَعَهَا إِلَى خَلِيقَتِهِ ؟

Kadangkala, *al- 'ārif* merasa malu untuk mengangkat hajatnya (yakni meminta atau mengadu) kepada Penaungnya (yakni Allāh Ta'ālā) kerana telah merasa cukup (yakni merasa puas hati atau rela) dengan kehendakNya.

Maka bagaimanakah pula dia tidak merasa malu untuk mengangkatannya (yakni meminta atau mengadu) kepada para makhlukNya?

(192)

إِذَا التَّبَسَّ عَلَيْكَ أَمْرَانِ فَانْظُرْ أَثْقَلَهُمَا عَلَى النَّفْسِ فَاتَّبِعْهُ ، فَإِنَّهُ لَا يَثْقُلُ عَلَيْهَا إِلَّا مَا
كَانَ حَقًّا .

Apabila telah menjadi samar (yakni tiada jelas) kepadamu dua urusan, perhatikanlah mana yang lebih berat di antara keduanya ke atas nafsu, maka ikutilah ia, kerana tiadalah yang berat ke atasnya (yakni ke atas nafsumu) melainkan ia adalah [sesuatu yang] benar.

(193)

مِنْ عِلَامَاتِ اتِّبَاعِ الْهَوَى الْمُسَارَعَةُ إِلَى نَوَافِلِ الْخَيْرَاتِ وَالتَّكَاسُلُ عَنِ الْقِيَامِ
بِالْوَاجِبَاتِ .

[Sesetengah] daripada tanda-tanda [seseorang itu sedang] menuruti hawa [nafsunya] ialah dia akan bersegera di dalam menunaikan kebaikan-kebaikan yang sunat, tetapi dia akan merasa malas pula (yakni merasa sangat berat dan selalu melengah-lengahkan) di dalam menunaikan [perkara-perkara] yang wajib.

(194)

قَيَّدَ الطَّاعَاتِ بِأَعْيَانِ الْأَوْقَاتِ كَيْ لَا يَمْنَعَكَ عَنْهَا وَجُودُ السُّؤْفِ وَوَسَّعَ عَلَيْكَ الْوَقْتَ
كَيْ تَبْقَى لَكَ حَصَّةُ الْإِخْتِيَارِ .

Dia (yakni Allāh) telah mengikat ketaatan-ketaatan itu dengan waktu-waktu yang tertentu agar tiada engkau ditahan daripada mengerjakannya kerana wujudnya sikap [dirimu yang gemar] melengah-lengahkan.

Dan Dia telah menjadikan luas waktu itu bagi dirimu agar masih dikekalkan untuk dirimu bahagian (yakni kesempatan) di dalam membuat pilihan.

(195)

عَلِمَ قَلَّةٌ نُهُوضِ الْعِبَادِ إِلَى مُعَامَلَتِهِ فَأَوْجَبَ عَلَيْهِمْ وُجُودَ طَاعَتِهِ ، فَسَاقَهُمْ إِلَيْهِ بِسَلَّاسِلِ
الْإِجَابِ " عَجِبَ رَبُّكَ مِنْ قَوْمٍ يُسَاقُونَ إِلَى الْجَنَّةِ بِالسَّلَاسِلِ " .

Dia (yakni Allāh) telah mengetahui bahawa para hambaNya memiliki semangat yang sedikit untuk beribadat, maka Dia telah mewajibkan ke atas mereka untuk melakukan ketaatan. Lalu mereka pun ditarik kepadaNya dengan beberapa rantai kewajiban. [Maka menjadi bertepatanlah keadaan ini dengan sabdaan Rasūlullāh *ṣallallāhu ‘alaihi wa ālihi wa sallam* yang bermafhum]: Tuhanmu telah merasa takjub/kagum dengan sebuah kaum yang telah ditarik ke syurga dengan beberapa rantai.

(196)

أَوْجِبَ عَلَيْكَ وُجُودَ خِدْمَتِهِ ، وَمَا أَوْجِبَ عَلَيْكَ إِلَّا دُخُولَ جَنَّتِهِ .

Dia (yakni Allāh) telah mewajibkan ke atasmu berkhidmat kepadaNya, dan [pada hakikatnya] tiadalah yang telah Dia wajibkan ke atasmu melainkan masuk ke dalam syurgaNya.

(197)

مَنْ اسْتَعْرَبَ أَنْ يُنْقِذَهُ اللَّهُ مِنْ شَهْوَتِهِ ، وَأَنْ يُخْرِجَهُ مِنْ وُجُودِ غَفْلَتِهِ ، فَقَدْ اسْتَعْجَزَ الْقُدْرَةَ
الْإِلَهِيَّةَ " وَكَانَ اللَّهُ عَلَى كُلِّ شَيْءٍ مُقْتَدِرًا " .

Sesiapa yang menyangka adalah terlalu asing (yakni menganggapnya sebagai mustahil) bahawa Allāh akan menyelamatkannya daripada syahwatnya, dan mengeluarkannya daripada kewujudan kelalaiannya, telah menganggap lemah Kekuatan Ketuhanan. [Mafhum dari Sūrah Al-Kahf ayat 45] “Dan [sesungguhnya] Allāh adalah Maha Berkuasa di atas setiap sesuatu.”

(198)

رُبَّمَا وَرَدَتِ الظُّلُمُ عَلَيْكَ لِيُعرفَكَ قَدْرَ مَنْ بِهِ عَلَيْكَ .

Kadangkala, kegelapan telah datang ke atas dirimu untuk Dia menjadikan engkau mengenali (yakni menghargai) kadar (atau nilai) kurniaanNya [yang telah dikurniakan selama ini] ke atas dirimu.

(199)

مَنْ لَمْ يَعْرِفْ قَدْرَ النِّعَمِ بِوُجُودِهَا ، عَرَفَهَا بِوُجُودِ فَقْدِهَا .

Sesiapa yang tidak mengenali (yakni menghargai) kadar (atau nilai) segala nikmat ketika ia masih wujud, akan mengenalinya (yakni dia hanya akan menghargainya) ketika ia sudah lenyap.

(200)

لَا تُدْهِشْكَ وَارِدَاتُ النِّعَمِ عَنِ الْقِيَامِ بِحَقُّوقِ شُكْرِكَ ، فَإِنَّ ذَلِكَ مِمَّا يَحُطُّ مِنْ وُجُودِ
قَدْرِكَ .

Janganlah dibiarkan segala kedatangan nikmat-nikmat [yang banyak] itu menjadikan dirimu terkagum (atau terpegun, yakni merasa tersangat hairan) sehingga tiada dapat engkau mendirikan segala kewajipanmu [di dalam] mensyukurinya.

Kerana sesungguhnya, ia adalah [sesetengah] daripada [beberapa perkara] yang menjatuhkan kadar (atau nilai, yakni kedudukan) dirimu.

(201)

تَمَكُّنُ حَلَاوَةِ الْهَوَى مِنْ الْقَلْبِ هُوَ الدَّاءُ الْعُضَالُ .

Kemanisan hawa [nafsu] yang telah menetap di kalbu, adalah penyakit yang amat sukar untuk dihilangkan.

لَا يُخْرِجُ الشَّهْوَةَ مِنَ الْقَلْبِ إِلَّا خَوْفٌ مُرْجِعٌ أَوْ شَوْقٌ مُقْلِقٌ .

Tiadalah yang [berkeupayaan untuk] mengeluarkan syahwat dari kalbu melainkan ketakutan yang menggetarkan (yakni yang menjadikannya tiada lagi merasa tenteram) atau kerinduan yang meresahkan (yakni yang menjadikannya merasa gelisah).

(203)

كَمَا لَا يُحِبُّ الْعَمَلُ الْمُشْتَرَكَ ، كَذَلِكَ لَا يُحِبُّ الْقَلْبُ الْمُشْتَرَكَ ، الْعَمَلُ الْمُشْتَرَكُ لَا
يُقْبَلُ ، وَالْقَلْبُ الْمُشْتَرَكُ لَا يُقْبَلُ عَلَيْهِ .

Sebagaimana Dia tiada mencintai amal yang mengandunginya penyekutuan (yakni menyekutuiNya dengan sesuatu yang lain), maka begitulah juga Dia tiada mencintai kalbu yang mengandunginya penyekutuan. Amal yang mengandunginya penyekutuan itu tiadalah akan diterima olehNya, dan kalbu yang mengandunginya penyekutuan itu pula, tiadalah Dia akan mendekatinya.

(204)

أَنْوَارٌ أَذِنَ لَهَا فِي الْوُصُولِ وَأَنْوَارٌ أَذِنَ لَهَا فِي الدُّخُولِ .

Terdapat beberapa cahaya yang telah diberikan izin baginya untuk sampai [ke kalbu yakni hanya tiba di luar kalbu dan tidak memasukinya] dan terdapat beberapa cahaya [yang lain pula] yang telah diberikan izin baginya untuk memasuki [ke dalam kalbu].

(205)

رَبِّمَا وَرَدَتْ عَلَيْكَ الْأَنْوَارُ فَوَجَدْتَ الْقَلْبَ مَحْشُورًا بِصُورِ الْآثَارِ ، فَارْتَحَلْتَ مِنْ حَيْثُ
نَزَلْتَ .

Kadangkala, cahaya-cahaya [rohani] telah datang ke atasmu, namun ia telah mendapati bahawa kalbu itu telah dipenuhi dengan bentuk-bentuk (yakni segala rupa atau gambar-gambar) *al-āthār* (kesan-kesan, yakni segala makhluk ciptaan Allāh), maka ia pun pulang [ke tempat] dari mana ia telah turun.

(206)

فَرِّغْ قَلْبَكَ مِنَ الْأَغْيَارِ يَمْلَأُهُ بِالْمَعَارِفِ وَالْأَسْرَارِ .

Kosongkanlah kalbumu daripada *al-aghyār* (segala yang selain daripadaNya yakni daripada segala makhluk Allāh). Maka Dia akan mengisinya dengan *al-ma‘ārif* (pengenalan-pengenalan rohani) dan *al-asrār* (rahsia-rahsia rohani).

(207)

لَا تَسْتَبْطِئُ مِنْهُ النَّوَالَ وَلَكِنْ اسْتَبْطِئْ مِنْ نَفْسِكَ وَجُودَ الْإِقْبَالِ .

Janganlah engkau menganggap lambat pemberian-pemberian daripadaNya, tetapi anggaplah (yakni engkau lihatlah sendiri pada) kelambatan dirimu di dalam mendekatiNya.

(208)

حُقُوقٌ فِي الْأَوْقَاتِ يُمَكِّنُ قَضَائُهَا ، وَحُقُوقُ الْأَوْقَاتِ لَا يُمَكِّنُ قَضَائُهَا ، إِذَا مَا مِنْ وَقْتٍ
يَرُدُّ إِلَّا وَلِلَّهِ عَلَيْكَ فِيهِ حَقٌّ جَدِيدٌ وَأَمْرٌ أَكِيدُ ، فَكَيْفَ تَقْضِي فِيهِ حَقَّ غَيْرِهِ وَأَنْتَ لَمْ
تَقْضِ حَقَّ اللَّهِ فِيهِ ؟

Hak-hak (yakni kewajiban-kewajiban seperti solat dan puasa) di dalam waktu-waktu [yang telah ditentukan] ada kemungkinan untuk menunaikannya [apabila terluput ia dari waktu-waktunya], tetapi hak-hak waktu-waktu [itu sendiri] tiadalah kemungkinan untuk menunaikannya (yakni tiadalah ia boleh diqada seperti qada sembahyang dan qada puasa).

Ini adalah kerana tiadalah mana-mana waktu yang datang melainkan Allāh memiliki di dalamnya hak yang baru dan perintah yang kukuh di atas dirimu.

Maka bagaimanakah dapat engkau menunaikan hak yang lain daripadanya sedangkan engkau masih lagi menunaikan hak Allāh di dalamnya?

(209)

مَا فَاتَ مِنْ عُمْرِكَ لَا عَوَضَ لَهُ ، وَمَا حَصَلَ لَكَ مِنْهُ لَا قِيَمَةَ لَهُ .

Apa yang telah terluput daripada umurmu, tiadalah baginya sebarang ganti. Dan apa yang telah berhasil bagimu daripadanya, tiadalah baginya sebarang nilai (yakni tiadalah ternilai harganya kerana harganya adalah teramat tinggi sekali).

(210)

مَا أَحْبَبْتَ شَيْئًا إِلَّا كُنْتَ لَهُ عَبْدًا ، وَهُوَ لَا يُحِبُّ أَنْ تَكُونَ لغيره عَبْدًا .

Tiadalah engkau mencintai sesuatu melainkan engkau akan menjadi hamba kepadanya. Dan tiadalah Dia pula (yakni Allāh Subḥānahu wa Ta‘ālā) mencintai (yakni menyukai) bahawa engkau menjadi hamba kepada yang selain daripada diriNya.

(211)

لَا تَنْفَعُ طَاعَتُكَ وَلَا تَضُرُّهُ مَعْصِيَتُكَ ، وَإِنَّمَا أَمْرُكَ بِهَذِهِ وَنَهَاكَ عَنْ هَذِهِ لِمَا يَعُودُ عَلَيْكَ .

Tiadalah ketaatanmu akan memanfaatkanNya dan tiadalah pula kemaksiatanmu akan memudaratkanNya. Sesungguhnya, Dia telah memerintahkan kepadamu dengannya (yakni dengan segala suruhanNya) dan melarangmu daripadanya (yakni daripada segala tegahanNya) kerana ia (yakni kebaikan-kebaikan di dalam menuruti segala suruhanNya dan menjauhi segala tegahanNya) akan kembali kepada dirimu sendiri.

(212)

لَا يَزِيدُ فِي عِزِّهِ إِقْبَالُ مَنْ أَقْبَلَ عَلَيْهِ ، وَلَا يَنْقُصُ مِنْ عِزِّهِ إِدْبَارُ مَنْ أَدْبَرَ عَنْهُ .

Tiadalah penghadapan orang yang menghadap kepadaNya akan menambahkan kemuliaanNya, dan tiadalah pemalingan orang yang berpaling daripadaNya akan mengurangkan kemuliaanNya.

(213)

وَصُؤْلُكَ إِلَى اللَّهِ وَصُؤْلُكَ إِلَى الْعِلْمِ بِهِ ، وَإِلَّا فَجَلَّ رَبُّنَا أَنَّ يَصِّلَ بِهِ شَيْءٌ أَوْ يَصِّلَ هُوَ
بِشَيْءٍ .

Sampainya engkau kepada Allāh adalah sampainya engkau kepada pengetahuan mengenaiNya.

Dan jikalau tiadalah yang demikian, Tuhan kita adalah Terlalu Agung (yakni adalah mustahil untuk dikatakan) bahawa berhubung kepadaNya sesuatu atau berhubung Dia kepada sesuatu.

(214)

قُرْبُكَ مِنْهُ أَنْ تَكُونَ مُشَاهِدًا لِقُرْبِهِ ، وَإِلَّا فَمِنْ أَيْنَ أَنْتَ وَوُجُودُ قُرْبِهِ ؟

Kedekatanmu denganNya ialah keadaan engkau menyaksikan kedekatanNya. Dan jikalau tiadalah yang demikian, dari manakah engkau dan kewujudan kedekatanNya (yakni dari segi manakah engkau boleh mengatakan bahawa engkau dekat denganNya)?

(215)

الْحَقَائِقُ تَرُدُّ فِي حَالِ التَّجَلِّي مُجْمَلَةً ، وَبَعْدَ الْوَعْيِ يَكُونُ الْبَيَانُ . ﴿ فَإِذَا قَرَأْنَاهُ فَاتَّبِعْ قُرْآنَهُ . ثُمَّ إِنَّ عَلَيْنَا بَيَانَهُ ﴾

Ketika berlaku keadaan *at-tajallī* (manifestasi ketuhanan), hakikat-hakikat itu akan datang [kepada hatimu] secara ringkas (yakni secara singkat sahaja dan tiadalah ia terperinci).

Setelah ia terhimpun (yakni setelah disedari atau tertangkap ia di dalam hatimu), barulah akan berlaku penerangan [yang lebih terperinci] baginya. [Ia adalah seperti mafhum Sūrah al-Qiyāmah ayat 18-19] “Maka apabila Kami membacanya, ikutilah bacaannya. Sesudah itu, di atas Kamilah penerangannya.”

(216)

مَتَى وَرَدَّتِ الْوَارِدَاتُ الْإِلَهِيَّةُ إِلَيْكَ هَدَمَتِ الْعَوَائِدُ عَلَيْكَ . ﴿ إِنَّ الْمُلُوكَ إِذَا دَخَلُوا
قَرْيَةً أَفْسَدُوهَا ﴾

Ketika datang kepadamu *al-wāridāt al-ilāhiyyah* (curahan-
curahan rohani yang dibangsakan kepada ketuhanan), ia akan
menghancurkan kebiasaan-kebiasaan dirimu. [Ia adalah sebuah
perkara yang bersesuaian dengan mafhum Sūrah an-Naml ayat 34]
“Sesungguhnya raja-raja, apabila mereka memasuki sebuah *qaryah*
(kampung atau negeri) akan merosakkannya.”

(217)

الْوَارِدُ يَأْتِي مِنْ حَضْرَةِ قَهَّارٍ ، لِأَجْلِ ذَلِكَ لَا يُصَادِمُهُ شَيْءٌ إِلَّا دَمَغَهُ . ﴿ بَلْ نَقْذِفُ
بِالْحَقِّ عَلَى الْبَاطِلِ فَيَدْمَغُهُ فَإِذَا هُوَ زَاهِقٌ ﴾

Al-wārid datang daripada Kehadiran Keperkasaan. Maka kerana itu, tiadalah ia bertembung dengan sesuatu melainkan ia akan memusnahkannya. [Ia adalah seperti mafhum Sūrah al-Anbiyā' ayat 18] “Bahkan Kami melontarkan yang hak ke atas yang batil, lalu ia memusnahkannya. Maka ia (yakni yang batil itu) pun lenyap.”

(218)

كَيْفَ يَحْتَجِبُ الْحَقُّ بِشَيْءٍ وَالَّذِي يَحْتَجِبُ بِهِ هُوَ فِيهِ ظَاهِرٌ وَمَوْجُودٌ حَاضِرٌ ؟

Bagaimanakah [boleh dikatakan bahawa] Yang Maha Benar (yakni Allāh) terhibab Dia dengan sesuatu, sedangkan yang terhibab Dia dengannya itu terzahir Dia padanya, dan [padanya juga Dia] maujud dan hadir [bersertanya] ?

(219)

لَا تَيَاسُ مِنْ قَبُولِ عَمَلٍ لَمْ تَجِدْ فِيهِ وُجُودَ الْحُضُورِ ، فَرُبَّمَا قَبْلَ مِنَ الْعَمَلِ مَا لَمْ تُدْرِكْ
ثَمَرَتَهُ عَاجِلًا .

Janganlah berputus asa daripada penerimaan sesuatu amal jika tiada terdapat di dalamnya *al-ḥuḍūr* (kehadiranNya di dalam kalbu), kerana kadangkala amal itu masih tetap diterima walaupun buahnya (yakni kesan rohaninya) tiadalah dapat dilihat dengan segera (yakni tiadalah engkau merasakannya pada waktu sekarang).

(220)

لَا تُزَكِّينَ وَارِدًا لَا تَعْلَمُ ثَمَرَتَهُ ، فَلَيْسَ الْمُرَادُ مِنَ السَّحَابَةِ الْإِمْطَارُ ، وَإِنَّمَا الْمُرَادُ مِنْهَا
وُجُودُ الْإِثْمَارِ .

Janganlah engkau menganggap suci [lalu berasa gembira pula dengan] sesuatu *wārid* yang tiada engkau ketahui buahnya, kerana tiadalah yang dikehendaki dari awan itu setakat hujan sahaja, tetapi yang dikehendaki darinya ialah adanya *al-ithmār* (keadaan di mana pohon-pohon sedang mengeluarkan buah-buah yang masak ranum beraneka jenis).

(221)

لَا تَطْلُبَنَّ بَقَاءَ الْوَارِدَاتِ بَعْدَ أَنْ بَسَطْتَ أَنْوَارَهَا وَأَوْدَعْتَ أَسْرَارَهَا ، فَلَكَ فِي اللَّهِ غِنًى
عَنْ كُلِّ شَيْءٍ ، وَلَيْسَ يُغْنِيكَ عَنْهُ شَيْءٌ .

Janganlah engkau menuntut kekekalan bagi *al-wāridāt* setelah cahaya-cahayanya meluas dan rahsia-rahsianya menjadi tersimpan (yakni setelah disedari atau tertangkap ia di dalam hatimu), kerana pada diri Allāh engkau memiliki kekayaan daripada setiap sesuatu, namun tiadalah sesuatu pun yang dapat mengkayakan engkau daripada diriNya.

(222)

تَطْلُعُكَ إِلَى بَقَاءِ غَيْرِهِ دَلِيلٌ عَلَى عَدَمِ وَجْدَانِكَ لَهُ ، وَاسْتِجَاتُكَ لِفَقْدَانِ مَا سِوَاهُ دَلِيلٌ
عَلَى عَدَمِ وُصْلَتِكَ بِهِ .

Keinginanmu kepada kekekalan sesuatu yang lain daripadaNya
adalah bukti bagi ketiadaan rasa mendapatkanNya pada dirimu.
Dan rasa sedihmu kerana kehilangan sesuatu yang lain daripadaNya
adalah bukti di atas ketiadaan sampaimu kepadaNya.

(223)

النَّعِيمُ وَإِنْ تَنَوَّعَتْ مَظَاهِرُهُ إِنَّمَا هُوَ بِشُهُودِهِ وَاقْتِرَابِهِ ، وَالْعَذَابُ وَإِنْ تَنَوَّعَتْ مَظَاهِرُهُ
إِنَّمَا هُوَ بِوُجُودِ حِجَابِهِ ، فَسَبَبُ الْعَذَابِ وَجُودُ الْحِجَابِ ، وَإِتِمَامُ النَّعِيمِ بِالنَّظَرِ إِلَى
وَجْهِهِ الْكَرِيمِ .

Kenikmatan itu, dan jika beraneka jenis tempat penzahirannya sekalipun, sesungguhnya ia adalah dengan menyaksikanNya dan [di dalam merasakan] dekat denganNya, dan kesiksaan itu pula, dan jika beraneka jenis tempat penzahirannya sekalipun, sesungguhnya ia adalah dengan kewujudan hijabNya (yakni pada keadaan diri kita yang masih lagi terhibab daripada dapat menyaksikanNya).

Maka sebab bagi kesiksaan itu adalah kewujudan hijab, dan penyempurnaan nikmat itu pula ialah dengan memandang kepada wajahNya Yang Maha Mulia.

(224)

مَا تَجِدُهُ الْقُلُوبُ مِنَ الْهُمُومِ وَالْأَحْزَانِ فَلَأَجُلِ مَا مُنِعَتْ مِنْ وُجُودِ الْعِيَانِ .

Apa yang dijumpai oleh kalbu-kalbu daripada segala rasa risau dan segala rasa sedih itu, adalah kerana ia masih tertegah daripada pandangan itu (yakni ia masih dihijab daripada dapat memandang kepada wajahNya Yang Maha Mulia).

(225)

مِنْ تَمَامِ النِّعْمَةِ عَلَيْكَ أَنْ يَرْزُقَكَ مَا يَكْفِيكَ وَيَمْنَعَكَ مَا يُطْغِيكَ .

[Sesetengah] daripada kesempurnaan nikmat ke atasmu ialah Dia telah merezekikanmu apa yang mencukupi bagimu dan Dia telah menegah apa yang akan menyebabkanmu melampaui batas (yakni menderhakaiNya).

(226)

لِيَقَلَّ مَا تَفْرَحُ بِهِ ، يَقَلَّ مَا تَحْزَنُ عَلَيْهِ .

Jadikanlah sedikit kesukaanmu (atau kesayanganmu) pada sesuatu perkara, agar menjadi sedikitlah kesedihanmu di atasnya (yakni di atas kehilangannya).

(227)

إِنْ أُرِدْتَ أَنْ لَا تُعْزَلَ فَلَا تَتَوَلَّ وَلَايَةً لَا تَدُومُ لَكَ .

Jika engkau menginginkan bahawa tiada engkau disingkirkan (yakni dipecat), janganlah engkau menyandang sesuatu jawatan yang tiada kekal ia bagimu.

(228)

إِنْ رَغَبْتُكَ الْبِدَايَاتُ زَهَّدْتُكَ النِّهَايَاتُ ، إِنْ دَعَاكَ إِلَيْهَا ظَاهِرٌ نَهَاكَ عَنْهَا بَاطِنٌ .

Jika permulaan-permulaannya menggemarkanmu (yakni menjadikan engkau merasa tertarik dan menginginkan *wilāyah* itu), kesudahan-kesudahannya pula akan menzuhudkanmu.

Jika sesuatu yang zahir memanggilmu kepadanya, sesuatu yang batin pula akan menghalangmu daripadanya.

إِنَّمَا جَعَلَهَا مَحَلًّا لِلْأَغْيَارِ وَمَعْدَنًا لِلْأَكْدَارِ تَرْهِيْدًا لَكَ فِيهَا .

Sesungguhnya, tiadalah Dia menjadikannya (yakni dunia ini) tempat bagi *al-aghyār* (yang selain daripadaNya yakni segala makhluk Allāh) dan galian bagi *al-akdār* (segala kekeruhan yakni kesukaran-kesukaran), melainkan agar engkau dapat mengamalkan kezuhudan di dalamnya.

(230)

عَلِمَ أَنَّكَ لَا تَقْبَلُ النَّصِيحَ الْمَجْرَدَ ، وَذَوَّقَكَ مِنْ ذَوَاقِهَا مَا يُسَهِّلُ عَلَيْكَ وُجُودَ فِرَاقِهَا .

Dia telah mengetahui bahawa sesungguhnya engkau tidak akan menerima cuma nasihat semata-mata, maka Dia telah membuatmu merasakan daripada segala rasanya (yakni segala rasa pahit di dunia ini), apa yang akan memudahkanmu untuk berpisah daripadanya (yakni berpisah daripada dunia ini).

(231)

الْعِلْمُ النَّافِعُ هُوَ الَّذِي يَنْبَسِطُ فِي الصَّدْرِ شُعَاعُهُ ، وَيُكْشِفُ بِهِ عَنِ الْقَلْبِ قَنَاعَهُ .

Ilmu yang bermanfaat itu ialah ia yang menjadi luas sinarannya di dalam dada, dan dengannya ia menyingkap tabir dari kalbu.

(232)

خَيْرُ الْعِلْمِ مَا كَانَتْ الْخَشْيَةُ مَعَهُ .

Sebaik-baik ilmu itu ialah yang rasa takut [kepada Allāh Ta'ālā]
adalah berserta dengannya.

(233)

الْعِلْمُ إِنْ قَارَنَتْهُ الْخَشْيَةُ فَلَكَ ، وَإِلَّا فَعَلَيْكَ .

Ilmu itu jika diiringi rasa takut [kepada Allāh Ta'ālā], maka ia adalah untukmu (yakni ia adalah sesuatu yang akan menyokongmu atau memanfaatkanmu), dan jika tidak, maka ia adalah ke atasmu (yakni ia akan menentangmu atau membahayakanmu).

(234)

مَتَى أَلَمَكَ عَدَمُ إِقْبَالِ النَّاسِ عَلَيْكَ أَوْ تَوَجُّهُهُمْ بِالدِّمِّ إِلَيْكَ ، فَارْجِعْ إِلَى عِلْمِ اللَّهِ فِيكَ ،
فَإِنْ كَانَ لَا يُقْنِعُكَ عِلْمُهُ ، فَمُصِيبَتُكَ بَعْدَ قَنَاعَتِكَ بِعِلْمِهِ أَشَدُّ مِنْ مُصِيبَتِكَ بِوُجُودِ
الَّذِي مِنْهُمْ .

Apabila engkau disakiti (yakni engkau berdukacita) dengan ketiadaan manusia menghadap (yakni datang) kepadamu, atau dengan menghadapnya mereka dengan cercaan (atau dengan cacian) kepadamu, maka kembalilah kepada ilmu Allāh padamu (yakni pada pengetahuanNya tentang keadaan dirimu).

Jika ilmuNya [tentang keadaan dirimu] tiada mencukupi bagimu (yakni tiada engkau merasa sudah berpuas hati dengan pengetahuanNya tentang keadaan dirimu), maka musibahmu di dalam tiada engkau merasa sudah mencukupi dengan ilmuNya itu, adalah lebih sangat (yakni adalah lebih teruk atau adalah lebih buruk) daripada musibahmu pada kesakitan (yakni rasa dukacita yang berpunca) daripada [perbuatan] mereka.

(235)

إِنَّمَا أَجْرِي الْأَذَى عَلَى أَيْدِيهِمْ كَيْلًا تَكُونُ سَاكِنًا إِلَيْهِمْ ، أَرَادَ أَنْ يُزْعِكَ عَنْ كُلِّ شَيْءٍ حَتَّى لَا يَشْغَلَكَ عَنْهُ شَيْءٌ .

Dia (yakni Allāh) telah menjadikan kesakitan itu (yakni rasa dukacita) melalui tangan-tangan mereka agar tiada engkau merasa tenteram (yakni tiada engkau berjinak hati) terhadap mereka.

Dia (yakni Allāh) telah menghendaki bahawa engkau merasa terganggu (atau tiada engkau merasa tenteram) dengan setiap sesuatu, agar tiada sesuatu pun yang menyibukkanmu daripadaNya.

(236)

إِذَا عَلِمْتَ أَنَّ الشَّيْطَانَ لَا يَغْفُلُ عَنْكَ ، فَلَا تَغْفُلْ أَنْتَ عَنْ نَاصِيكَ بِيَدِهِ .

Apabila engkau mengetahui bahawa syaitan itu tiada akan lalai daripada dirimu, maka janganlah pula engkau lalai daripada Dia (yakni hendaklah engkau berlindung diri daripada segala kejahatan syaitan itu dengan engkau sentiasa ingat dan sentiasa berserah diri kepada Allāh) yang ubun-ubunmu adalah di dalam tanganNya (yakni ia berada di dalam kekuasaanNya).

(237)

جَعَلَهُ لَكَ عَدُوًّا لِيَحُوشَكَ بِهِ إِلَيْهِ ، وَحَرَكَ عَلَيْكَ النَّفْسَ لِيَدُومَ إِقْبَالَكَ عَلَيْهِ .

Dia (yakni Allāh Ta'ālā) telah menjadikannya (yakni syaitan) musuh bagimu agar melaluinya Dia menolakmu (atau menjadikan dirimu menghalu) kepadaNya, dan Dia telah menggerakkan nafsu ke atasmu agar berkekalanlah pendekatanmu (atau menghadapnya engkau) kepadaNya.

(238)

مَنْ أَثْبَتَ لِنَفْسِهِ تَوَاضُعًا فَهُوَ الْمُتَكَبِّرُ حَقًّا ، إِذْ لَيْسَ التَّوَاضُّعُ إِلَّا عَنْ رِفْعَةٍ ، فَمَتَى
أَثْبَتَ لِنَفْسِكَ تَوَاضُعًا فَأَنْتَ الْمُتَكَبِّرُ .

Sesiapa yang mengisbatkan (menentukan atau menetapkan) dirinya adalah seorang yang bertawaduk (yakni seorang yang merendahkan diri), maka dia sebenarnya adalah seorang yang membesarkan diri, kerana tiadalah perendahan diri itu melainkan dari [sisi] peninggian diri (yakni tiadalah orang yang menganggap dirinya sudah merendahkan diri melainkan orang yang melihat dirinya adalah tinggi).

Maka apabila engkau mengisbatkan dirimu sudah bertawaduk, engkau [pada hakikatnya] adalah seorang yang membesarkan diri.

(239)

لَيْسَ الْمُتَوَاضِعُ الَّذِي إِذَا تَوَاضَعَ رَأَى أَنَّهُ فَوْقَ مَا صَنَعَ ، وَلَكِنَّ الْمُتَوَاضِعَ الَّذِي إِذَا
تَوَاضَعَ رَأَى أَنَّهُ دُونَ مَا صَنَعَ .

Bukanlah orang yang bertawaduk itu orang yang apabila dia merendahkan diri, melihat bahawa dia adalah di atas apa yang telah dilakukannya (yakni menyangka yang dia sudah memiliki martabat yang tinggi).

Tetapi, orang yang bertawaduk itu adalah orang yang apabila dia merendahkan diri, melihat bahawa dia [sebenarnya] adalah di bawah apa yang telah dilakukannya (yakni masih tiada layak untuk dikatakan sudah merendahkan diri kerana banyak kekurangannya).

(240)

التَّوَّاضَعُ الْحَقِيقِيُّ هُوَ مَا كَانَ نَاشِئًا عَنْ شُهُودِ عَظَمَتِهِ وَتَجَلِّي صِفَتِهِ .

Tawaduk (yakni perendahan diri) yang sebenar itu lahir (atau terjadi ia) daripada menyaksikan keagunganNya dan manifestasi sifatNya.

(241)

لَا يُخْرِجُكَ عَنِ الْوَصْفِ إِلَّا شُهُودُ الْوَصْفِ .

Tiadalah yang dapat mengeluarkanmu daripada sifat (yakni daripada sifatmu) melainkan penyaksian kepada sifat (yakni melalui engkau menyaksikan sifatNya).

(242)

الْمُؤْمِنُ يَشْغَلُهُ الشَّاءُ عَلَى اللَّهِ عَنْ يَكُونُ لِنَفْسِهِ شَاكِرًا وَتَشْغَلُهُ حُقُوقُ اللَّهِ عَنْ أَنْ يَكُونَ
لِحُظُوظِهِ ذَاكِرًا .

Orang yang [benar-benar] beriman itu disibukkan oleh pemujian [kepada] Allāh daripada mensyukuri dirinya sendiri (yakni dia adalah terlalu sibuk di dalam memuji Allāh sehingga tiada lagi dia memandang kepada dirinya sendiri), dan dia disibukkan oleh hak-hak Allāh daripada mengingat nasibnya sendiri (yakni dia adalah terlalu sibuk dan bimbang di dalam menunaikan kewajipan-kewajipan kepada Allāh sehingga tiada lagi dia mengingat kepada kepentingan-kepentingan dirinya sendiri).

(243)

لَيْسَ الْمُحِبُّ الَّذِي يَرْجُو مِنْ مَحْبُوبِهِ عَوْضًا أَوْ يَطْلُبُ مِنْهُ غَرَضًا ، فَإِنَّ الْمُحِبَّ مَنْ
يَبْذُلُ لَكَ لَيْسَ الْمُحِبُّ مَنْ تَبْذُلُ لَهُ .

Si kekasih (yakni orang yang mendakwa bahawa dia adalah seorang yang mencintai) itu, bukanlah orang yang mengharap sesuatu imbalan (atau balasan) daripada yang dikasihinya (yakni orang yang dicintainya), atau menuntut daripadanya sesuatu tujuan [yang ingin dicapai].

Sesungguhnya, si kekasih itu (yakni orang yang mendakwa bahawa dia mencintaimu) adalah orang yang berbelanja (atau berkorban) untukmu, bukanlah si kekasih itu orang yang engkau berbelanja (atau berkorban) untuknya.

(244)

لَوْ لَا مَيَادِينُ النُّفُوسِ مَا تَحَقَّقَ سَيْرُ السَّائِرِينَ ، إِذْ لَا مَسَافَةَ بَيْنَكَ وَبَيْنَهُ حَتَّى تَطْوِيَهَا
رَحْلَتُكَ ، وَلَا قُطْعَةَ بَيْنَكَ وَبَيْنَهُ حَتَّى تَمْحُوهَا وَصَلَّتْكَ .

Jika tidaklah kerana medan-medan [pertempuran/peperangan dengan] segala nafsu, tiadalah akan direalisasikan perjalanan para pengembara rohani, kerana tiadalah jarak di antaramu denganNya yang mana perjalananmu itu akan melipatkannya, dan tiadalah tanah lapang (yakni kawasan pemisahan) di antaramu denganNya yang mana kesampaianmu itu akan menghapuskannya.

(245)

جَعَلَكَ فِي الْعَالَمِ الْمُتَوَسِّطِ بَيْنَ مُلْكِهِ وَمَلَكُوتِهِ لِيُعْلِمَكَ جَلَالََةَ قَدْرِكَ بَيْنَ مَخْلُوقَاتِهِ ،
وَأَنَّكَ جَوْهَرَةٌ تَنْطَوِي عَلَيْكَ أَصْدَافُ مَكُونَاتِهِ .

Dia (yakni Allāh Subḥānahu Wa Ta'ālā) telah meletakkan dirimu di alam pertengahan, di antara alam mulkiNya (yakni alam nyata, yang dapat disaksikan oleh mata di kepala kita) dan alam malakutNya (yakni alam ghaib, yang tidak dapat disaksikan oleh mata di kepala kita), untuk memberitahu kepadamu tentang kebesaran kadarmu (yakni tentang ketinggian darjatmu) di antara segala makhlukNya, dan juga bahawa sesungguhnya, engkau adalah sebuah permata, [yang mana] tersembunyi/terkandung di dalam dirimu mutiara-mutiara segala ciptaanNya.

(246)

إِنَّمَا وَسَعَكَ الْكَوْنُ مِنْ حَيْثُ جُثْمَانِيَّتِكَ وَلَمْ يَسَعَكَ مِنْ حَيْثُ ثُبُوتُ رُوحَانِيَّتِكَ .

Sesungguhnya, *al-kaun* (kosmos, yakni alam semesta) hanya dapat meliputimu dari segi jasmanimu sahaja, dan tiadalah ia dapat meliputimu dari segi *thubūt* (penetapan-penetapan) kerohanianmu (yakni hakikat kalbu insan itu sebenarnya adalah lebih luas daripada alam semesta dan adalah ia meliputi isi seluruh alam semesta).

(247)

الْكَائِنُ فِي الْكَوْنِ وَلَمْ تَفْتَحْ لَهُ مَيَادِينَ الْغُيُوبِ مَسْجُونٌ بِمُحِيطَاتِهِ ، وَمَحْصُورٌ فِي
هَيْكَلِ ذَاتِهِ .

Orang yang berada di dalam *al-kaun* (kosmos, yakni alam semesta) dan masih tiada terbuka kepadanya medan-medan [dari alam] ghaib, [keadaannya] adalah terpenjara oleh segala yang meliputinya (yakni oleh segala persekitarannya) dan dia adalah terkurung di dalam kerangka zatnya (yakni tubuh badannya).

(248)

أَنْتَ مَعَ الْأَكْوَانِ مَا لَمْ تَشْهَدْ الْمُكُونِ ، فَإِذَا شَهِدْتَهُ كَانَتْ الْأَكْوَانُ مَعَكَ .

Engkau [masih lagi] bersama segala alam semesta selagi engkau tiada menyaksikan Si Pencipta Segala Alam Semesta.

Apabila engkau sudah menyaksikanNya, segala alam semesta adalah bersamamu (yakni engkau akan menyaksikan juga bahawa sebenarnya salinan segala alam semesta berada di dalam dirimu).

(249)

لَا يُلْزَمُ مَنْ ثُبُوتِ الْخُصُوصِيَّةِ عَدَمَ وَصْفِ الْبَشَرِيَّةِ ، إِنَّمَا مَثَلُ الْخُصُوصِيَّةِ كَأَشْرَاقِ
شَمْسِ النَّهَارِ ، ظَهَرَتْ فِي الْأَفْقِ وَلَيْسَتْ مِنْهُ ، تَارَةً تَشْرِقُ شُمُوسُ أَوْصَافِهِ عَلَى لَيْلٍ
وَجُودِكَ ، وَتَارَةً يَقْبِضُ ذَلِكَ عَنْكَ فَيَرْدُّكَ إِلَى حُدُودِكَ ، فَالْتَّهَارُ لَيْسَ مِنْكَ وَإِلَيْكَ ،
وَلَكِنَّهُ وَارِدٌ عَلَيْكَ .

Tiadalah penetapan bagi *al-khuṣūṣiyyah* (kekhususan, yakni seseorang itu dimasukkan ke dalam golongan orang-orang yang khas, yakni orang-orang yang dikurniakan kewalian) memestikan bahawa sifat kemanusiaan sudah tiada lagi wujud.

Sesungguhnya, *al-khuṣūṣiyyah* adalah seumpama pancaran matahari di siang hari. Ia menjadi nyata di ufuk (yakni di tepi langit), namun bukanlah ia darinya (yakni bukanlah sinaran itu sebenarnya berasal dari ufuk, tetapi ufuk hanyalah tempat di mana sinaran yang berasal dari matahari itu telah menjadi terzahir).

Kadangkala, matahari-matahari segala sifatNya akan memancar ke atas malam (yakni kegelapan) kewujudanmu, dan kadangkala Dia akan menggenggam (yakni mengambil semula) yang demikian itu daripadamu dan mengembalikanmu ke batas-batas [asal kejadian] dirimu.

Maka siang hari itu bukanlah ia [sesuatu yang datang] daripadamu dan [kembali] kepadamu, tetapi ia adalah [sesuatu] yang datang ke atasmu [daripadaNya dan kembali kepadaNya].

(250)

دَلَّ بِوُجُودِ آثَارِهِ عَلَى وُجُودِ أَسْمَائِهِ ، وَبِوُجُودِ أَسْمَائِهِ عَلَى ثُبُوتِ أَوْصَافِهِ ، وَبِثُبُوتِ
أَوْصَافِهِ عَلَى وُجُودِ ذَاتِهِ ، إِذْ مُحَالٌ أَنْ يَقُومَ الْوُصْفُ بِنَفْسِهِ .

فَارْتَبَابُ الْجَذْبِ يُكْشِفُ لَهُمْ عَنْ كَمَالِ ذَاتِهِ ، ثُمَّ يَرُدُّهُمْ إِلَى شُهُودِ صِفَاتِهِ ، ثُمَّ يَرْجِعُهُمْ
إِلَى التَّعَلُّقِ بِأَسْمَائِهِ ، ثُمَّ يَرُدُّهُمْ إِلَى شُهُودِ آثَارِهِ .

وَالسَّالِكُونَ عَلَى عَكْسِ هَذَا ، فَنِهَايَةُ السَّالِكِينَ بَدَايَةُ الْمَجْذُوبِينَ ، وَبَدَايَةُ السَّالِكِينَ
نِهَايَةُ الْمَجْذُوبِينَ . لَكِنْ لَا بِمَعْنَى وَاحِدٍ ، فَرَبَّمَا التَّقْيَا فِي الطَّرِيقِ ، هَذَا فِي تَرْقِيهِ
وَهَذَا فِي تَدْلِيهِ .

Melalui kewujudan *āthār*-Nya (kesan-kesanNya, yakni alam semesta ciptaan Allāh), Dia menunjukkan kepada kewujudan nama-namaNya, dan melalui kewujudan nama-namaNya [pula Dia menunjukkan] kepada penetapan sifat-sifatNya, dan melalui penetapan sifat-sifatNya [pula Dia menunjukkan] kepada zatNya, kerana adalah mustahil bagi sesuatu sifat untuk berdiri dengan dirinya [sendiri tanpa sebarang zat].

Maka disingkapkan kepada para pemilik *al-jazb* (yakni orang-orang yang menerima tarikan rohani daripadaNya) kesempurnaan zatNya. Kemudian, dikembalikan mereka kepada penyaksian sifat-sifatNya. Kemudian, dipulangkan mereka kepada persandaran kepada nama-namaNya. Kemudian, dikembalikan mereka kepada menyaksikan *āthār*-Nya (kesan-kesanNya, yakni alam semesta ciptaan Allāh).

Dan *as-sālikūn* (orang-orang yang melakukan pengembaraan rohani dengan melakukan pendakian tahap demi tahap di bawah bimbingan seorang syaikh *murabbī*), adalah berlawanan dengan perkara ini (yakni keadaan golongan *as-sālikīn* adalah berlawanan

Al-Hikam Al-‘Atā’iyyah

dengan keadaan golongan *al-majdhūbīn* yakni orang-orang yang menerima tarikan rohani daripadaNya, yang mana perjalanan mereka adalah sangat deras kerana dengan satu tarikan rohani golongan *al-majdhūbīn* sudah sampai ke tahap tertinggi, tanpa terlebih dahulu melalui tahap-tahap yang di bawah satu persatu seperti yang perlu dilakukan oleh golongan *as-sālikīn*).

Maka [tahap] penamat bagi *as-sālikīn* adalah [tahap] permulaan bagi *al-majdhūbīn* dan [tahap] permulaan bagi *as-sālikīn* adalah [tahap] penamat bagi *al-majdhūbīn*.

Tetapi bukanlah dengan satu makna sahaja. Mungkin dua golongan ini akan bertemu (atau berselisih) di atas jalan rohani [masing-masing], yang satu ini pada pendakiannya dan yang satu lagi pada penurunannya.

(251)

لَا يُعْلَمُ قَدْرُ أَنْوَارِ الْقُلُوبِ وَالْأَسْرَارِ إِلَّا فِي غَيْبِ الْمَلَكُوتِ ، كَمَا لَا تَظْهَرُ أَنْوَارُ
السَّمَاءِ إِلَّا فِي شَهَادَةِ الْمُلْكِ .

Tiadalah dapat diketahui akan kadar cahaya-cahaya kalbu dan rahsia-rahsia melainkan di keghaiban alam malakut (yakni alam ghaib, yang tidak dapat disaksikan oleh mata di kepala kita), sebagaimana tiadalah akan terzhahir cahaya-cahaya langit melainkan pada penyaksian di alam mulki (yakni alam nyata, yang dapat disaksikan oleh mata di kepala kita).

(252)

وَجِدَانُ ثَمَرَاتِ الطَّاعَاتِ عَاجِلًا بِشَائِرِ الْعَامِلِينَ بِوُجُودِ الْجَزَاءِ عَلَيْهَا آجَلًا .

Dapatnya bertemu dengan buah-buah ketaatan pada masa sekarang (yakni dapat merasakan kemanisan dan kelazatan di dalam melakukan ibadat di dunia ini lagi), adalah sebagai khabar gembira bagi orang-orang yang beramal tentang wujudnya ganjaran di atasnya pada masa hadapan (yakni di akhirat nanti).

(253)

كَيْفَ تَطْلُبُ الْعَوْضَ عَلَى عَمَلٍ هُوَ مُتَّصِدٌّ بِهِ عَلَيْكَ ؟ أَمْ كَيْفَ تَطْلُبُ الْجَزَاءَ عَلَى
صِدْقٍ هُوَ مُهْدِيهِ إِلَيْكَ ؟

Bagaimanakah dapat engkau menuntut upah (atau imbalan) bagi sesuatu amal yang Dia sendiri telah mendedekahkannya ke atasmu?

Atau bagaimanakah dapat engkau menuntut ganjaran bagi sesuatu kejujuran yang Dia sendiri telah menghadiahkannya kepadamu?

(254)

قَوْمٌ تَسْبِقُ أُنْوَارُهُمْ أَذْكَارُهُمْ ، وَقَوْمٌ تَسْبِقُ أَذْكَارُهُمْ أُنْوَارُهُمْ ، وَقَوْمٌ تَسْتَاوِي أَذْكَارُهُمْ
وَأُنْوَارُهُمْ ، وَقَوْمٌ لَا أُنْوَارَ وَلَا أَذْكَارَ ، نَعُوذُ بِاللَّهِ مِنْ ذَلِكَ .

Ada satu kaum, cahaya-cahaya mereka mendahului zikir-zikir mereka.

Dan ada satu kaum, zikir-zikir mereka mendahului cahaya-cahaya mereka.

Dan ada satu kaum, zikir-zikir mereka adalah bersamaan (yakni berlaku serentak) dengan cahaya-cahaya mereka.

Dan ada satu kaum, tiada [bagi mereka] cahaya dan tiada [juga bagi mereka] zikir. Kita berlindung dengan Allāh daripada yang demikian.

(255)

ذَاكِرٌ ذَكَرَ لِيَسْتَنِيرَ بِهِ قَلْبُهُ فَكَانَ ذَاكِرًا ، وَذَاكِرٌ اسْتَنَارَ قَلْبُهُ فَكَانَ ذَاكِرًا ، وَالَّذِي
اسْتَوَتْ أَذْكَارُهُ وَأَنْوَارُهُ فَبَذَكَرَهُ يُهْتَدَى وَبِنُورِهِ يُقْتَدَى .

Ada *dhākir* (orang yang berzikir) yang berzikir agar kalbunya mendapat cahaya. Maka di atas keadaan inilah dia melakukan zikir (yakni zikirnya adalah untuk mendapatkan cahaya).

Ada *dhākir* (orang yang berzikir) yang kalbunya sudah pun bercahaya. Maka di atas keadaan inilah dia melakukan zikir (yakni zikirnya itu adalah berdasarkan kesan cahaya di kalbunya).

Dan ada pun orang yang zikir-zikirnya dan cahaya-cahayanya adalah bersamaan (yakni berlaku serentak), maka dengan zikirnya, dia menerima petunjuk, dan dengan cahayanya, dia menerima pimpinan [yang diturutinya].

(256)

مَا كَانَ ظَاهِرُ ذِكْرٍ إِلَّا عَنْ بَاطِنِ شُهُودٍ وَفَكْرٍ .

Tiadalah zahir zikir melainkan dari batin penyaksian dan renungan (yakni tiadalah akan berlaku sesuatu zikir pada zahirnya melainkan ia telah terbit dari apa yang telah disaksikan dan yang telah direnungkan oleh si penzikir pada batinnya).

(257)

أَشْهَدُكَ مِنْ قَبْلِ أَنْ يَسْتَشْهَدَكَ فَنَطَقْتُ بِالْهِيتَةِ الظَّوَاهِرُ ، وَتَحَقَّقْتُ بِأَحَدِيَّتِهِ الْقُلُوبُ
وَالسَّرَائِرُ .

Dia telah menjadikan engkau menyaksikan sebelum Dia memerintahkan engkau untuk bernaik saksi.

Maka segala yang zahir pun menyebut (yakni melafazkan kata-kata sebagai pengiktirafan atau berikrar) tentang ketuhananNya, sedangkan kalbu-kalbu serta rahsia-rahsia pula merealisasikan (atau mentahkikkan) keesaanNya.

(258)

أَكْرَمَكَ بِكَرَامَاتٍ ثَلَاثٍ : جَعَلَكَ ذَاكِرًا لَهُ وَلَوْ لَا فَضْلُهُ لَمْ تَكُنْ أَهْلًا لِجَرِيَانِ ذِكْرِهِ
عَلَيْكَ ، وَجَعَلَكَ مَذْكُورًا بِهِ إِذْ حَقَّقَ نِسْبَتَهُ لَدَيْكَ ، وَجَعَلَكَ مَذْكُورًا عِنْدَهُ قَتَمَ
نِعْمَتَهُ عَلَيْكَ .

Dia telah memuliakanmu dengan tiga *karāmāt* (kemuliaan):

Dia telah menjadikanmu seorang yang berzikir kepadaNya, dan jika tidaklah kerana pemberian anugerahNya, tiadalah engkau akan menjadi layak untuk menerima pengaliran zikirNya ke atasmu.

Dan Dia telah menjadikanmu seorang yang dingati denganNya, kerana Dia telah mentahkikkan nisbahNya kepadamu.

Dan Dia telah menjadikanmu seorang yang diingati [oleh para malaikat yang tertinggi] di sisiNya, maka dengan itu lengkaplah nikmatNya ke atasmu.

(259)

رُبَّ عُمُرٍ اتَّسَعَتْ أَمَادُهُ وَقَلَّتْ أُمْدَادُهُ ، وَرُبَّ عُمُرٍ قَلِيلَةٌ أَمَادُهُ كَثِيرَةٌ أُمْدَادُهُ .

Ada kala [seseorang itu diberikan] umur yang panjang jangka masanya, tetapi sedikit sahaja hasil buahnya (yakni faedah atau manfaat rohaninya). Ada kala [seseorang itu diberikan] umur yang pendek jangka masanya, tetapi banyak sekali hasil buahnya (yakni faedah atau manfaat rohaninya).

(260)

مَنْ بُورِكَ لَهُ فِي عُمُرِهِ أَذْرَكَ فِي يَسِيرٍ مِنَ الزَّمَنِ مِنْ مَنْنِ اللَّهِ تَعَالَى مَا لَا يَدْخُلُ
تَحْتَ دَوَائِرِ الْعِبَارَةِ ، وَلَا تَلْحَقُهُ الْإِشَارَةُ .

Sesiapa yang diberkati pada umurnya, akan mencapai [satu pencapaian rohani] di dalam masa yang singkat/sedikit [setelah dia menerima] dari kurniaan-kurniaan Allāh Ta‘ālā, apa yang tiada dapat dimasukkan ke bawah bulatan-bulatan ibarat atau [yang dapat] dihubungkan/disambungkan oleh sebarang isyarat.

(261)

الْخِذْلَانُ كُلُّ الْخِذْلَانِ أَنْ تَتَفَرَّغَ مِنَ الشَّوَاغِلِ ثُمَّ لَا تَتَوَجَّهَ إِلَيْهِ ، وَتَقِلَّ عَوَائِقُكَ ثُمَّ لَا
تَرْحَلَ إِلَيْهِ .

Kekecewaan setiap kekecewaan ialah apabila engkau sudah pun terkosong daripada *asy-syawāghil* (segala kesibukan/pekerjaan) kemudian tiada engkau menghadap kepadaNya, dan sudah menjadi sedikit rintangan-rintanganmu kemudian tiada engkau berpindah kepadaNya.

(262)

الْفِكْرَةُ سَيْرُ الْقَلْبِ فِي مَيَادِينِ الْأَغْيَارِ .

Al-fikrah (tafakur yakni refleksi atau kontemplasi) adalah pengembaraan kalbu pada medan-medan *al-aghyār* (yang selain daripada Allāh).

(263)

الْفِكْرَةُ سِرَاجُ الْقَلْبِ ، فَإِذَا ذَهَبَتْ فَلَا إِضَاءَةَ لَهُ .

Al-fikrah (tafakur yakni refleksi atau kontemplasi) adalah pelita kalbu. Maka apabila ia pergi, tiadalah baginya penerangan (yakni apabila pergilah pelita *al-fikrah*, tiadalah kalbu akan diterangi oleh sinaran cahaya pelita *al-fikrah* lagi).

(264)

الْفِكْرَةُ فَكْرَتَانِ : فَكْرَةُ تَصْدِيقِ وَإِيمَانٍ ، وَفِكْرَةُ شُهُودٍ وَعِيَانٍ . فَالْأُولَى لِلرَّبِّابِ
الْإِغْتِبَارِ ، وَالثَّانِيَةُ لِلرَّبِّابِ الشُّهُودِ وَالْإِسْتِبْصَارِ .

Ada dua jenis bagi *al-fikrah* (tafakur yakni refleksi atau kontemplasi): (1) kontemplasi di dalam membenaran dan keimanan (2) kontemplasi di dalam penyaksian dan penglihatan.

Yang pertama adalah untuk golongan mereka yang mengambil iktibar, dan yang kedua adalah untuk golongan para pemilik *asy-syuhūd* (penyaksian batin) dan *al-istibṣār* (penglihatan batin).

تَمَّ مَنُّ الْحَكَمِ الْعَطَائِيَّةِ

Selesai teks asal dari kitab Al-Hikam Al-'Aṭā'iyah



Ibn Badawī Al-Kartawī.
Kuala Lumpur, Malaysia.
24hb Syawwāl 1429 Hijrah.